

Dissertatione academica argumentum juris canonici de medicorum animae et corporis in sanandis aegris conjunctione / Proponit ... Georgius Ludovicus Böhmer.

Contributors

Böhmer, Georg Ludwig, 1715-1797.
Böhmer, Justus Henning, 1674-1749.
Universität Halle-Wittenberg.

Publication/Creation

Halae Magdeburgicae : Typis Joannis Henrici Grunerti, [1736]

Persistent URL

<https://wellcomecollection.org/works/b7ct2dtd>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



A

XXX
IX

8/6

A 5402
1812

In der Fortsetzung dieses Werkes, erscheint eine Uebersicht der diplomatischen Verhandlungen des Wiener Congresses über wichtige Angelegenheiten des teutschen Bundes. Namentlich über Errichtung und Wirksamkeit eines Bundesgerichtes; über die Vertretung des Volks bei der Landesregierung durch Landstände; über Bestimmung der Rechte der Unterthanen in den teutschen Bundesstaaten, außer der landständischen Befassung, dem Bundesgericht, und den Rechten der Bundesherren; über den künftigen Rechtszustand der Stände der Herren oder ehemaligen, jetzt untergeordneten, reichsständischen Landesherren von fürstlichem oder gräflichem Stande; über Bestimmung der Rechte der katholischen Kirche und der evangelischen Kirchengesellschaften in den teutschen Bundesstaaten; über die Pensionen der Mitglieder, sowohl der secularisirten teutschen Erz-, Dom- und andere geistlichen Stifte auf beiden Seiten des Rheins, als auch des teutschen Ordens, so wie des Fürsten Primas, Erzbischofs von Regensburg, gewesenen Großherzogs von Frankfurt; vielleicht auch Betrachtungen über das Werk des Hrn. de Pradt, du congrès de Vienne.

ubl
14234/p
DISSERTATIONE ACADEMICA
ARGVMENTVM IVRIS CANONICI
DE
MEDICORVM
ANIMAE ET CORPORIS
IN
SANANDIS AEGRIS
CONIVNCTIONE

occasione c. 13. X. de poenitent. & remiss.

IN REGIA FRIDERICIANA
PRAESIDE
PATRE
IVSTO HENNINGIO BÖHMERO
ICTO

D. XXIV. MARTII MDCCXXXVI.

H. L. Q. C.

PVBLICAE DISQVISIONI VENTILANDVM PROPONIT

FILIVS

AVTOR

GEORGIVS LVDOVICVS BÖHMER
HALENS. LL. CVLT.

HALAE MAGDEBVRGICAE,
TYPIS IOANNIS HENRICI GRVNERTI, ACAD. TYPOGR.





DISSERTATIO
DE
MEDICORVM
ANIMAE ET CORPORIS
CONIVNCTIONE IN SANAN-
DIS AEGRIS.

§. I.



lum pariter ac salutare est decretum IN-Fundamen-
NOCENTII III., quod coniunctionem me- tum huius ar-
dicorum corporis & animæ inter se gumenti,
desiderat, ubi æger sanandus. Etenim
in c. 13. X. de penit. & remiss. decreuit:
Cum infirmitas naturalis nonnunquam
ex peccato proveniât, dicente domino lan-
guido, quem sanauerat: Vade & am-
plius noli peccare, ne deterius aliquid ti-
bi contingat: presenti decreto statuimus,
& directe præcipimus MEDICIS CORPORIS, ut cum eos ad
infirmos vocari contigerit, ipsos ante omnia moneant, & inducant,

ut *MEDICOS* aduocent *ANIMARVM*: ut postquam fuerit infirmo de spiritali salute prouisum, ad *CORPORALIS MEDICINAE* remedium salubrius procedatur, cum caussa cessante cesset effectus. Hoc quidem inter alia huic caussam dedit edicto, quod quidam in aegritudinis lecto iacentes, cum eis a medicis suadetur, ut de animarum salute disponant, in desperationis articulum incidunt, unde facilius mortis periculum incurrunt. Si quis autem medicorum huic nostrae constitutionis, postquam per Praelatos locorum fuerit publicata, transgressor exstiterit, tamdiu ab ingressu ecclesiae arceatur, donec pro transgressione huiusmodi satisfecerit competenter. Ceterum cum anima multo pretiosior sit corpore, sub interminatione anathematis prohibemus, ne quis medicorum pro corporali salute aliquid suadeat, quod in periculum animae conuertatur. Animaduenterat pontifex, plerosque aegrotantes tantum corporis rationem habere, negligere vero curam animae: implorare quidem auxilium medicorum, ut corpori aegrotanti medicinam adhibeant, sed reformidare solatia, adhortationes, aliaque media saluti profutura, quae confessionariis demandata sunt, parochisque. Persuasum eo iam tempore habebant morbo grauiori laborantes, horum aduentum certum esse mortis nuncium: se ex medicorum iudicio praesenti periculo mortis expositos, nec spem vitae superesse. Asserit enim pontifex, inter alia hoc quoque caussam huic edicto dedisse, quod quidam in aegritudinis lecto iacentes, cum eis medici autores sunt, ut de animarum salute cogitent, in desperationem mox incidant, qua vel sola mortis periculum promouetur. Ne ergo aegrotantes formidinem instantis mortis & morbi periculosi ex hac medicorum corporis adhortatione capiant, consultissimum atque salutare fore credidit, ut in genere medicis, quibuscunque morbis laborent aegrotantes, iungatur, de his inducendis, ut medicos animae mature aduocent, si vel maxime nullum mortis periculum subsit. Haec enim lex, si generatim omnibus aegris imponitur, eis suspicio peri-

periculi atque mortis præsentis metus non tam facile possunt mentem tristem turbare, nec ad desperationis articulum eos adducere, vt pontifex loquitur.

§. II.

Quoniam officium medicorum corporis in textu adducto in-
struitur, faeile intelligitur, per eos intelligi, qui in arte medi-
ca probati corpori ægrotanti remedia idonea pro reparanda va-
letudine labefactata adhibent, & sic *curam corporis humani infirmi* gerunt. Cum vero *ars sanandi* nihil magis, quam per im-
peritos, circumforaneos, & empyricos, quos agyrta ipfis etiam
prædonibus longe nocentiores vocat GVIDO PANCIROLLVS in no-
vis repertis tit. I. p. 99. & quorum copia vbique adest, impe-
diatur; rei conducit publicæ, vt non quiuis, sed *probati me-
dici* ad sanandos ægros publica autoritate constituentur, reliqua
autem turba ab his præsepibus arceatur. (a) PLATO de republi-
ca L. III. bonos, inquit, medicos habere oportet in ciuitate, qui
ab ineunte ætate ultra discendæ artis studium, inter plurimos cor-
pore male adfectos fuerint versati. Apud Romanos olim singu-
lorum municipiorum magistratibus iniunctum erat, vt certi
de probitate morum & peritia artis eligerent ipsi, quibus se, libe-
rosque suos in ægitudine corporum committerent L. I. D. de
decret. ab ord. faciend. Præterea hi demum probati, qui intra
numerum erant, quique primis, qui in ordine reperiiebantur, se-
ptem vel eo amplius iudicantibus idonei approbati essent. L. IO.
C. de professor. & medic. Lib. X. Neque vero hodie hæc sollici-
tudo publica abiicienda, sed cura salutis singulorum postulat,
vt in quauis ciuitate probati tantum medici ad artem sanandi
adhibeantur, ceteræ autem turbæ obex ponatur. Ita censuit

A 3

Caro-

(a) Pia atque saluberrima sunt desideria IANI LANGLAEI *Semestr. L. VIII. C. XV. p. 591.* Id præterea a magistratibus constitui inuiolate-
que seruari velim, ne medicus aut chirurgus, pharmacopeusque
quisquam ad artis suæ exercitium admittatur, nisi prius doctri-
næ suæ periculum fecerit.

Carolus V. in art. 134. constit. crim. und soll in diesem Fall als
 Iermeist Achtung gehabt werden auf leichtfertige Leute, die sich
 Arzeneien unterstehen, und die mit keinem Grunde gelernet
 haben. Pariter in *Ordin. Polit. Magdeb. C. XXV.* plurima, quæ
 ad probatorum medicorum officium & spartam pertinent, con-
 stituta quidem sunt: sed sapientiori consilio *collegium medicum*,
 quod Berolini, in sede regia est, huius gratia erectum, cui hoc
 negotium datum per *edictum medicinale de a. 1685.* ne cui nisi
 ex iudicio & *collegii medici* auctoritate artem sanandi exercere
 liceret. Hoc salutare institutum variis accessionibus edicto me-
 dic. nouo auxerat FRIDERICVS I. immortalis memoriæ Rex: ast
 potentissimus Rex noster, quoad eius fieri potuit, postea id
 perfecit atque consummauit, prudentissime sanciendo, vt qui ar-
 tem sanandi exercere cuperent, non publicis solum testimoniis
 artis medicæ scientiam *collegio Medico* testatam redderent, sed
 etiam vt inprimis in *theatro publico Anatomico*, præsentibus &
 iudicantibus *collegii medici* professoribus, sectione cadaueris hu-
 mani publice instituta, cognitionis in re anatomica acquisitæ spe-
 cimen ederent. Cautæ hæc sunt duplici edicto medicinali, al-
 tero *a. 1715.* altero *a. 1725.* promulgato, in quorum ultimo,
 quæ tit. *de medicis §. 2. p. 14.* constituta sunt, in rem præsen-
 tem facere videntur: daß kein Land- oder Stadt-Physicus
 in unsern Prouincien und Städten angenommen werde,
 noch weniger ein Doctor Medicinæ in unsern Landen pra-
 cticiren solle, er habe sich dann zuvor bey unsern Colle-
 gio medico angegeben und gemeldet, seine gehaltene dis-
 sertationem inauguralem und andre testimonia publica produciert,
 auch einen aufgegebenen casum medico-practicum elaboriert,
 über welchen er den Befinden nach examiniret werden
 soll, auch nechst dem auf Veranlassung unsers Collegii
 Medici beyn Königl. theatro anatomico seinen cursum anatomi-
 cum in 6, dazu bestellten lectionibus in denen dazu ver-
 ord-

ordneten Winter-Monathen durchgemachet. (b) Quibus ita probatis & in re medica versatis medicis eo facilius se suamque salutem committunt ægotantes, quo maiorem post Deum fiduciam in eius peritia & fidelitate collocare queunt; unde sponte inducuntur, ut eius præceptis se submittant, debitoque honore eundem adficient. Hæc fuit sententia SYRACIDIS cap. XXXVIII. 1. sqq. inquentis: *honora medicum propter necessitatem: etenim illum creavit altissimus: A Deo est enim omnis medela & a rege accipiet donationem. Disciplina medici exaltabit caput illius & in conspectu magnatum collaudabitur. Altissimus creavit de terra medicamenta & vir prudens non abhorret illa.* Unde nascuntur *mutua officia* medicorum erga infirmos, & horum erga *medicos*, quæ singulari cura explicuit THOMAS ACTIVS de infirmitate eiusque privilegiis & effectibus, hic binis tantum tangenda verbis, quod circa unicum tantum medicorum officium omnis mea occupata sit meditatio, huc tendens ut aegrotantes ad *medicinam animæ spirituales* quærendam inducantur.

§. III.

Quamvis vero id inprimis, quod ad confirmandam cor-Medicinæ vaporis incolumitatem pertinet, proprie *medicaminis* nomine verius significat: illius tamen vocis significatus ad omne, per quod id, quod ^{catus.} corruptum ac deprauatum est, integritati suæ restituitur similitu-

-
- (b) Idem studium fuit GREGORII XIII. qui peculiari bulla 1576. promulgata, & tom. II. bullarii M. p. 407. inserta, decrevit, ut collegium Physicorum, quod Romæ floret, examen eorum, qui medicinam publice profiterentur, susciperet, & quos ad medicinam exereendam non idoneos nec sufficientes reperierint, exercitio medicinæ prorsus interdicerent; seu ab ipso exercitio ad tempus, & donec in hoc studio maiores fecerint profectus, suspenderent; aut eis, ne dictam artem nisi cum præsentia alterius, vel aliorum medicorum idoneorum, & collegio isto approbatorum vlla-tenus exercere audeant, prohiberent.

Medicina le-
galis,

tudinis ergo extendi solet. Ex eadem ratione etiam illud, quod in rebus vitiosum est, improprie *morbum* appellari audimus. Neque illud inuito Latio fieri puto. Ipse CICERO variam laudat *medicinam*, aliam *calamitatis*, aliam *doloris*, aliam *temporis*, aliam *periculorum*, aliam *consilii*, aliam *consularem* medicinam. IDEM in *orat. pro Sylla* elegantissime, *ex magnis*, inquit, & *diuturnis* & *iam desperatis reipubl. morbis ista repentina vis erupit, ut ea confecta & eiecta conualescere aliquando & sanari ciuitas possit.* Quandoquidem *reipubl. instar personæ*, de cuius vni-
ce salute agitur, repræsentari solet: eadem illa quoque variis infirmitatibus variisque, quæ salutem eius debilitant, morbis haud incongrue subiecta esse dicitur. Vnde TH. HOBBSIVS in *tr. de ciuitate eccles. & civili cap. 29. p. 151.* alios *reipublicæ admodum molestos morbos febri tertianæ*, alios *pleuritidi* egregie comparat. Vti igitur cuilibet ægroto, ita laboranti etiam *reipublicæ* commoda ac salutari medicina prospiciendum, & nouis ciuium morbis noua quotidie antidota præparanda sunt, monente ipso pontifice in *c. 5. X. de iuram. calumn.* Præclare ad rem faciunt ista IUSTINIANI in *Nou. CXI. pr. Quod medicamenta morbis, hoc exhibent iura negotiis.* Negotiis ciuium vitium adhæret, simulac illa cum æquitate naturali pugnant, vel communem lædunt ciuium salutem. Hinc per iura legesque, quarum quasi medica vis omnis in reparanda, ac tuenda *reipubl. incolumitate* posita est, medela eiusmodi negotiis adfertur, ne noceant, & molesta amplius *reipubl. ac aduersa* sint. (c) Eadem patrum in Concilio Lateranensi congregatorum fuisse videtur philosophia ab INNOCENTIO III. in *c. 11. X. de accusat.* relata, qui consideratis, quæ tum ex maligna & iniusta accusatione, tum ex nimia delictorum impunitate descendunt, damnis contra *morbum utrumque congruam medicinam*, puta

(c) Vnde eiusmodi vulneribus *medicina iustitiæ* adhiberi dicitur in *Capitul. Regum Francor.* apud STEPH. BALVZIVM tom. I. L. VI. p. 980.

ta inscriptionem in crimen, inuenisse dicuntur. Ciuum vero morbis vti leges salubribus medentur remediis, pœnis atque poemiis optimæ instar medicinæ præscriptis: ita iudices, quibus pro ciuum salute euigilare conuenit, legum medicamina dispensare, iisque, quibus iniuria damnumue infertur, velut ægrotis subuenire tenentur. Hinc DIOCLETIANVS & MAXIMINVS IMPERATORES in l. 8. C. de *euitationib.* eleganter rescripserunt: *in damnis, quæ te tolerasse meministi, Præses Prouinciæ MEDELAM IVRIS adhibebit.* Simili in sensu *medicina animæ* passimprehenditur. Veteres quidem sub nomine eius, quicquid ad animum quomodocunque laborantem emendandum & curandum pertinere videtur, latissimo significato comprehendisse videntur. Sanitatem enim animi in *tranquillitate mentis* constituerunt Stoici, teste CICERONE *Tuscul. quæst. lib. I. c. IV. tom. II. edit. Lond. p. 374.* e contrario quamlibet *animæ perturbationem* morbum appellarunt, teste EODEM *cit. l. p. 375.* & huic propellendo *philosophiam* promptam medicinam fore arbitrati, quod remedia hos curandi morbos suppedicaret. Itaque, quid, inquit TVLLIVS, qui pecuniæ cupiditate, qui voluptatum libidine feruntur, quorumque ita perturbantur animi, ut non multum absint ab insania, quod insipientibus contingit omnibus, his nullane adhibenda curatio? Vtrum quod minus noceant animi ægrotationes, quam corporis? an quod corpora curari possint, ANIMORVM MEDICINA nulla sit? *cit. loco p. 375.* Tandem in sequentibus addit: *est profectio animi medicina philosophia.* (d) Neque vero in hoc substituerant veteres, sed, quod plane singulare est, *animæ curandæ* ergo naturalia medicamenta, herbas, aliaque pharmaca quæsierunt, ut luculentis documentis ostendit ANDR. TIRAQVELLVS *de nobilitate tom. I. C.*

(d) Vnde & hodie illa philosophiæ pars, quæ *Logicam* tradit, *medicina mentis* audit, quo nomine Logica venit Ehrenfrido Walthero a TSCHIRNHAYSEN aliisque.

Quæ veteribus
animi, medici-
na?

Vtraque corporis & animi medicina in ægroto curando apud veteres coniuncta fuit.

XXXI. n. 295. & seq. Rationem in eo posuerunt, quod *corporis* valetudinem ab *anima* imprimis pendere, adeoque etiam vtriusque *corporis* & *animæ curationem* coniungendam esse censerint. (e) Ex qua opinione porro alii intulerunt corpore laborante, *animo* primario *medicinam* parandam, vt, eo saluo, saluum reddatur corpus. Ipse GALENVS *Lib. I. περὶ ὑγίαιας* haud paucos sanasse asserit, solis animi motibus ad debitum motum reuocatis. IOANNES DAMASCENVS quoque *aphorismo XXII.* aperte defendit, cum corpus patitur, & principalia maxime membra adfliguntur, animæ medicinam esse adhibendam. Hinc factum est, vt insignem in ægrorum curatione vim *musicæ* attribuerint veteres, quod animus per cantum refici, & ægritudines mitigari censerentur. (f)

§. IV.

Sed hæc hætenus de ea, quæ apud gentiles obtinuit *animi corporisque coniuncta curatione*. Neque enim ei vltius immo.

(e) Veterum sententiam GALENVS in peculiari libello, quem inscribit, *quod animi mores corporis temperaturam sequantur*, plenissime enucleat: eandem neruose explanat A. GELLIUS in *Noct. Atticis Lib. IV. C. XIII.* *Tanta prorsus est affinitas corporibus hominum mentibusque, & præterea quoque viriis aut medelis animorum & corporum*

(f) *Creditum hoc est a plerisque & memoriæ mandatum*, inquit GELLIUS l. c. *ichiaci*, cum maxime doleant, tam si modulis lenibus tibicen incinat, minui dolores. Ego nuperrime in libro *Theophrasti scriptum* inueni, *viperarum morsibus tibicinium scite modulateque adhibitum mederi*. Refert etiam idem *Democriti liber*, qui inscribitur *περὶ λοιμῶν ἢ λοιμικῶν κακῶν*. In quo docet, pluribus hominum morbis medicinam fuisse intentiones tibiæ. Quinam morbi modulorum præsidio curati fuerint, ostendit PETRVS LAMBECIUS ad cit. Gellii locum in *editione fratrum Gronouiorum* p. 289. eoque non morsus viperarum solum, sed & ipsam adeo phrenesin, febrem, pestilentiam, surditatem, & plures alias refert animi corporisque afflictiones.

morari instituti ratio patitur, cum illam potius doctrinam, quæ Medici ani-
animæ medicinam copulandam cum *corporis sanatione* iubet, ex ^{ma.}
 canonum principiis eruendam & examinandam susceperim. Vi-
 delicet sicuti duplex in primis medicina *naturalis & spiritualis*
 est; ita quoque præter *corporis medicos* dantur *medici animæ*, qui
 eam a *morbis spiritualibus* liberare, & ad vitam nouam deducere
 curant omni ope. Etenim CHRISTVS fons omnis nostræ sa-
 lutis, & ægrotantis animæ medicina *medici* appellationem optimo Christus me-
 iure sibi vindicauit *Matth. IX, 12. Luc. V, 11. Marci II, 17.* cu-
 ius fundamentum primarium tradit *Esaïas LIII, 5.* Imo non
 tantum *medicus animæ* sed *corporis* etiam fuit, quamuis medici-
 nam eam adhibuerit, quæ vires naturales omnes superabat.
 Optime AVGVSTINVS in *c. 32. de pœnit. D. 3.* *Ideo etiam tot sa-*
nauit febricitantes, tot languidos, tot claudos, cæcos, aridos, ne de-
speret de se peccator. Sanando corporales defectus, & quidem
 non *arte medica* sed *miraculoso* prorsus modo, se legitimauit vt
 vnicum animæ & salutis nostræ principem medicum, ad quem
 toties confugiendum, quoties anima ægrotat. *Medicum se vocat,*
 pergit AVGVSTINVS *cit. l. & non sanis sed male habentibus opportu-*
num. Sed qualis hic medicus, qui malum iteratum nesciret curare?
Medicorum est, centies infirmum visitare, centies curare. Ipsa
 medicina, quæ spiritualiter ægrotantibus præscribitur, in *con-*
uersione & seria pœnitentia consistit, *c. 77. de pœnit. D. I.* quæ prin-
 cipi nostræ salutis medico curæ cordique fuit. Hæc falli ne-
 scia est, excellentior medicaminibus arte hominum compositis,
 & ad *morbos internos* depellendos aptissima. CHRYSOSTOMVS *ho-*
mil. in Ps. VI. tom. I. hoc eleganter illustrat, & præmissis qua-
 tuor vel quinque momentis, quæ in medicis reperiuntur, hoc
 quoque addit, artem nonnunquam hæsitare, nec exitum inue-
 nire, & vim medicamentorum aliquo casu effugere. In DEO
 autem, pergit, *hoc non est, sed si cum medico steteris, vlcus o-* Deus medi-
mnino curandum est. Non est enim ars humana, vt dubitet: sed ^{cus animæ.}
diuina facultas, quæ & naturas & morbos & improbitatem &

omne deinceps vitium superat. Et ideo hic quoque, (Psalmista) cum ad DEVM tanquam ad medicum accessisset, dicebat: Sana mo Domine &c. In eandem sententiam abijt AVGVSTINVS in enarrat. in Ps. CII. tom. IV. edit. Paris. p. 1114. Sanabuntur, inquit, languores tui; noli timere. Magni sunt: sed maior est medicus. Omnipotenti medico nullus languor insanabilis occurrit. Quod cum in sequentibus pro ingenui sui abundantia eleganter illustrat: tum quare tanta inprimis in desperatis morbis fiducia in DEVM medicum collocanda, rationem addit cit. l. & Deus, inquit, fecit corpus tuum, Deus fecit animam tuam; nouit, quemadmodum recreet, quod creauit, nouit, quemadmodum reformet, quod formauit. Hæc medicina diuinior in sacris litteris tanquam in officina quadam nobis est proposita, cuius lectio medicinalis officina est, vt CHRYSOSTOMVS tom. V. homil. LVIII. de vita monachor. pluribus illustrat. Hæc medicinalis officina vniuersalis est, ad eamque omnibus, qui quomodocunque animo laborant, aditus patet, vt ibi remedium quærant ad depellendos, quibus exagitantur, morbos opportunum. Hanc viam homini Christiano non sine acumine commendat AVGVSTINVS Serm. I. in Ps. CXXXVI. tom. IV. p. 259. Namque omnis morbus animi habet in scripturis medicamentum suum: qui ergo sic ægrotat, vt ista dicat in corde suo, bibat potionem Psalmi huius. IDEM porro tom. V. Serm. XVII. Ps. XLIX. p. 96. in f. orationem inprimis dominicam ceu quotidianam medicinam commendat, in qua oramus: Dimitte nobis peccata nostra, sicut & nos dimittimus debitoribus nostris. Mox vero addit: sed quod grauius est, ipsam medicinam hi homines contemnunt, vt non solum non dent veniam: quando in illos peccatur, sed nec velint petere, quando ipsi peccant, Nihilominus tamen semper hæc medicina in promptu est, & medicorum spiritualium princeps semper auxilium suum offert ægrotantibus, quorum in numero omnes sunt homines. Recte IDEM tom. V. Serm. LXXXIX. p. 468. edit. Paris. Aegrotat hominum genus non morbis corporis sed peccatis. Iacet to-

to orbe terrarum ab oriente usque in occidentem grandis ægrotus. Ad sanandum grandem ægrotum descendit omnipotens medicus. Humiliauit se usque ad mortalem carnem tanquam ad lectum ægrotantis. Dat salutis præcepta, contemnitur: qui audiunt, liberantur &c. Vbique enim medicorum more nobiscum agit. Medici omnia ex fanitatis norma dimetiuntur, more nobis ideoque ægrotorum non semper obtemperant voluntati; sed secum agit. ingrata & amara, cum cupiunt grata, decernunt. Crudelis enim, docente AVGVSTINO in *Pf. XXIII. tom. IV. p. 225. foret medicus, qui exaudit hominem, & parcit vulneri & putredini.*

§. V.

Quemadmodum vero, qui medici officio defungitur, ^{Medicina di-} ^{uina.} medicina, qua ægrotorum valetudini prospiciat, opus habet, ita medicorum princeps apparatu medicinæ locupletissimo ægrotanti terrarum orbi subuenit. Quanti pretii sit hæc medicina AVGVSTINVS docet *Serm. CXXV. tom. V. p. 836. ille autem etiam de suo sanguine ægrotis medicamenta faciebat; & in seqq. dominum ipsum hoc sanguine ægris antidotum parasse, ac ipsam mortem suam ad medicamenti confectionem impendisse, eleganter declarat.* Multum quoque auxilii multumque ad morbos animæ sanandos præsidii in sacris litteris positum est. Vnde recte HILARIUS *oper. p. 58. postquam medendi ægrotantis generis humani necessitatem adstruxerat, opus erat medico, inquit, qui vna atque eadem auxilii sui ope vniversa curaret, & tot ac varios in toto orbe languores non arte, non opere, sed verbi potestate sanaret.* Nec minorem medicinæ apparatus in ecclesia deprehendes, quæ sacramenta in animæ salutem quotidie dispensat, & verbo diuino animam ægrotantem pascit, quæ quidem iuxta mentem *scripturæ s. sufficiunt, ad eam alleuandam.* Audiamus etiam paucis, quæ *Romana ecclesia* medicamina commendat, suggerat, & proponat. Hæc uti gratiosa erga eos, qui eius misericordiam implorant, & *indulgentissima mater* vocatur: ^{Ecclesiastica} ^{medicina ab-} ita maternam in sanandis animo ægrotis ponere sollicitudinem, ^{ecclesia Roma-}

na tanquam
omnium ma-
tre petenda
dicitur.

Ad illam per-
tinent 1) in-
dulgentia.

2) eleemosynæ
& ieiunia.

omniumque salutem *materna caritate* conquirere dicitur. c. 25
c. 23. q. 4. Ita enim NICOLAVS I. *epistola ad Hermentrudam*
Franciae reginam a. 863. scripta, ab AVBERTO MIRAEO tom. I. Op.
p. 133. inserta: NICOLAVS & C. *Fidelium uniuersitas gentium ex*
variis mundi partibus, cuiuscunque sint ordinis vel ætatis, si qua
forte criminis noxa, vel seniorum suorum formidine detinentur,
ad hanc sanctam omnium terrarum matrem, ecclesiam Romanam,
ut salutare percipiant REMEDIUM, recurrunt, & ab ea non so-
lum ANIMAE sed & CORPORIS saluationem (ut omnibus pa-
tet) humili prece suscipere precantur. Quibus multis diuinitus
sulta auctoritatibus, & sanctorum patrum roborata documentis,
materno amore solamina subministrat, & sugenda vbera consola-
tionis compatiendo inferre minime recusat. Ecclesia igitur in-
structissima ornata est officina medicinali, in qua immensus & in-
exhaustus infinitorum meritorum Christi & sanctorum thesaurus ex
iuris canonici sententia reconditus esse dicitur; ex quo indul-
gentissima mater indulgentias instar medicamentorum admodum
efficacium atque salubrium plena manu dispensat, ceu pluribus ar-
gumentis hæc exsecutus est venerand. Dn. Parens in diss. pralim. ad
Tom. IV. Iur. Eccles. Protest. Porro ecclesiasticæ medicinæ in censu
eleemosynæ quoque, ieiunia & orationes habentur. c. 4.
C. 33, qu. I. Ipse AVGVSTINVS Serm. IX. tom. V. p. 61. Exercete
vos, inquit, in misericordia, exercete vos in eleemosynis, in ieiuniis,
in orationibus. His enim purgantur quotidiana peccata. Hisce
medicamentis singularem vim atque virtutem tribuit MARTIVS
Vicarius Apostol. sedis generalis in edicto a IO. LAVNOIO oper.
tom. II. P. II. p. 699. relato, quo, ubi Pontificis iussu in quadra-
gesimalibus vtendi carne licentiam concesserat, hæc in fine addit
Inde hortatur omnes, ut datam in quadagesimalibus cibis veni-
am frequenti sacramentorum susceptione compensent, eleemosynas
& preces augeant, quo tam naturalia quam supernaturalia reme-
dia morborum reliquias expurgare queant. Ex his vero, qui-
bus

bus medicamentis instructum sit ecclesiæ Romanæ armarium, satis superque intelligi potest. Inter plura alia, quæ hic enarrare instituti ratio non patitur, vnicum illud addere liceat, cui non minorem quam ceteris vim attribuunt. *Bona opera* intelligo, inter quæ templorum exstructiones & piis corporibus factæ donationes primum locum tuentur. Cuius animæ medicaminis, incredibile est dictu, quantus olim inprimis vsus fuerit, & quanto studio illud in *animæ remedium* laicis laborantibus commendauerint clerici. Neque huius rei ratio ex alto est petenda. Si qua enim medicina vnquam ecclesiæ lucrosa exstitit: hæc profecto fuit, qua nouas quotidie accessiones ecclesiis, monasteriis, abbatiis, balliuibus, episcopatibus fieri, remque publicam ecclesiasticam rerum gerendarum neruo instrui ac firmari videbant. Quid mirum itaque, quod tantas eiusmodi donationibus adscripserint virtutes, tamque abundantem in sanandis peccatis efficaciam, vt eas non largitori solum, sed eius quoque parentibus ac propinquis, cum viuis tum iam demortuis, instar remedii salutem animæ promouentis profuturas crediderint, sperantes fore, vt illi in *peccatorum remissionem*, his vero in promptiorem e purgatorio liberationem cederent. Quod vti ex omnis æui antiquitatisque documentis testatissimum est: ita quibusdam donationum piis collegiis factarum instrumentis illustrare iuuabit, quæ præter CAROLI MEICHELBECKII *historiam Frisingensem* aliosque suppeditat *illustr. Fridericianæ Cancellarii DE LVDEWIG instructissimum reliquiarum MStorum mediæ æui diplomatum* opus. Formula diplomatis *lib. V. tom. VI. p. 402.* relati, quo Silesiæ Dux BOLCKO monasterio Grissouienfi quædam per modum testamenti a. 1360. reliquerat, hæc est; *imo etiam vt salus nostra augeatur, quam auctore domino speramus in futurum, in nostræque & progenitorum nostrorum animarum salutare remedium disponere decreuimus.* Alia formula occurrit in diplomate BOESLAI *lib. V. tom. cit. p. 442.*: *Nos Boleslaus D. G. Dux Silesiæ pro nostra & nostrorum incolumitate & de-*
licto.

3) donationes
in remedium
animæ factæ.

lietorum nostrorum apud patrem misericordiarum Deum venia obtinenda monasterio de Cresobor ordinis S. Benedicti ducentos mansos Francicos liberaliter contulimus. Inprimis notatu digna formula est diplomatis L. I. tom. cit. p. 469. quo Hermannus de Reichenbach Cœnobio Grissouienſi a. 1323. censum donauit: *in remedium nostrorum peccaminum liberorumque nostrorum, ac pro salute dilectarum Hedwigis quondam matris nostræ, & animæ olim coniugis nostræ Elizabeth quoque matris præfatæ coniugis nostræ iam defunctarum dedimus &c.* In innumeris aliis in quibus eiusmodi piæ donationes leguntur, documentis nihil frequentius est formula: *in remedium & salutem animæ; ob æternum remedium animæ.* vid. tom. VI. p. 51. p. 424. pro remedio peccatorum, mortis, nostræque & parentum nostrorum æterna salute. tom. V. L. III. p. 425. Quæ omnia satis superque declarant, salutaris instar medicinæ ad sanandos animæ morbos eiusque salutem restituendam adaptatæ, laudatam fuisse piam erga ecclesiam liberalitatem.

§. VI.

Ministri eccle-
siæ animæ me-
dici.

His igitur, quæ ad animæ medicinam spectant, perpenſis, quinam in ecclesia animæ medici officio fungantur, facilis est coniectura. Etenim hæc prouincia primario ministris ecclesiæ demandata est. Qui cum ad verbum diuinum docendum & ad administranda sacramenta constituentur; in his duabus partibus vero animæ medicina potissimum posita sit: reuera ad hanc dispensandam vocantur, ideoque animæ medici dici merentur. Quod nomen illis tribuere ipse nullus dubitauit AVGVSTINVS in Ps. LXXVII. tom. IV. p. 933. iisque simul auctor & suasor est, vt velut magni medici agant cum hominibus, eorumque saluti per fidele ministerium opitulentur. Medentis igitur non se-vientis officio fungi debent, c. 2. D. 86. salutem omnium summa caritate conquirentes, nisi forsan austeriorem medicinam gravitas morbi desideret. c. 1. D. 86. Quomodo enim B. Ioannes in apocalypsi sua ad septem scribens ecclesias, in unaquaque earum specia-

tim

tim vel vitia reprehendit, vel virtutes probat; ita & Sanctus Apostolus Paulus per singulas ecclesias vulneribus medetur, nec ad instar imperiti medici uno collyrio omnium oculos vult curare, vt HIERONYMVS ait in c. f. D. 29. simulque hoc ipso prudentis medici officium instruit. Quemadmodum vero prudentes corporis medicos hos, qui curæ eorum se suamque salutem committunt, diligenter visitare, & sanitatis rationem exquirere, cum iisque salutaria consilia, quibus & imminentes morbos præcaueant, & sanitatem debilitatam & labefactatam restituant, communicare oportet: ita animæ quoque medici, quos fidei suæ commissos faciunt, accurate visitare, in eorum vitam moresque inquirere, iisque salutaria sanitatis præcepta dare tenentur; vt, si quos vitii laborare cernunt, corrigant, & ad frugem atque virtutum studia reducant; quorum vero sanitatem dubiam infirmamque deprehendunt, hos confirmare studeant, BASILII & GREGORII Episcoporum exemplo, quos ideo laudat SOCRATES libr. IV. hist. eccles. c. 19. quod ipsi vrbes circumeundo segnes & languentes in fide corroborauerint. Cum autem non omnes clerici animarum curam gerant, plerisque dignitate & clericorum privilegiis contentis, ad ecclesiastica autem munia nunquam adspirantibus, vt hos animæ medicos nuncupemus, ratio non patitur. Huc refer, qui vel primam tantum tonsuram vel minores ordines acceperunt, qui non muneris cuiusdam ecclesiastici gerendi, sed numeri ciuium ecclesiasticorum augendi ergo, promouentur. Si qui itaque hanc appellationem merentur, parochi atque sacerdotes, qui ægrotantibus a confessionibus sunt, huc referendi, siquidem primario INNOCENTIVS III. eosdem medicorum animæ nomine insigniuit. c. 13. X. de penitent. Quoniam enim hi ab ægrotis, animæ morbos confitentibus, quotidie adeuntur, vt sanationis ergo penitentiam & satisfactionem imponant: illi omnino in eo versari videntur, in quo, vt paulo post plenius eruendum, ecclesiastica medicina primario a pontifice collocatur.

Non omnes
clerici animæ
medici sunt.

§. VII.

Vtrum me-
dici animæ si-
mul corporis
medici esse
possint?

Affirmatur,
quatenus spi-
ritualibus re-
mediis corpus
sanare stu-
dent.

Huc referunt
(1) exorcis-
mos.

quibus dæmo-
nes ab ener-
gumenis pel-
lere student.

Prius vero quam ad citati textus, qui vtriusque *corporis* & *animæ* medicorum coniunctionem in ægrorum curatione præcipit, vltiorem in hac dissertatione mihi propositam illustrationem perueniam, nihil me præter rem aut ab instituto alienum facturum arbitror, si præliminarem mouerim quæstio- nem: corporine etiam possint sacerdotes medicinam adferre, seu, *utrum status medici animi & corporis in vno subiecto simul subsistere possit?* Quod vno halitu affirmari poterit & negari, pro diuersa scilicet remediorum, quibus corporis sanitati sub- venire posse censent, ratione. Namque ex eorum, qui *spiritua- libus remediis* sanari homines autumant, principiis *animæ medi- cum simul corporis medicum* esse non repugnat. Pro *spirituali medicina*, quam clerici iuxta ritum *ecclesiæ Romanæ* adhibere possunt, formularii illi, quibus ad depellendos morbos dæmo- nesque eiiciendos vtuntur, *exorcismi* habentur. Quorum su- perstitio vti Iudæos olim maximopere incefferat, ceu ex IOSE- PHI *antiquitat. Iudaic. Lib. VIII. c. 2.* patet, & ANTONIVS VAN DA- LE in *diff. de diuinationibus cap. V.* plenius illustrat: ita inter Christianos propagata, & ad supersticiosos medendi modos ap- plicata est. Nec defuit illis conciliorum iurisque canonici approbatio, ex qua non potuit non illis maior quotidie aucto- ritas accedere, adeo plane, vt peculiaris *exorcistarum* ordo in ecclesia fuerit introductus. Inde igitur euenit, vt reue- ra in artem abire cœperint exorcismi, pluribus solennibus, apparatu sæpe magno, carminibus, verbisque conceptis, & vestibus consecratis requisitis, adeo, vt nihil aut pa- rum ab *incantationibus magicis* recedere videantur. Quod vero, ad illorum vim & virtutes attinet, illas in facultate dæ- mones ab energumenis, seu his, quorum corpora a malo spi- ritu oppressa possidentur, eiiciendi & expellendi collocant. *Exorcistæ enim inuocant super eos, qui habent spiritum immun- dum, nomen domini Jesu, adiurantes per eum, vt egrediatur ab illis*

illis iuxta c. I. D. 21. Hunc in finem in quoscumque, quibus mortalium corpora vexari creduntur, spiritus dæmonesque malignos imperium exorcistæ accipiunt, ut per diras exorcismorum imprecationes illos a dæmoniacis eiicere valeant. *Exorcista* igitur, cum ordinatur, accipit de manu episcopi libellum, in quo scripti sunt Exorcismi, dicente episcopo: accipe & commenda memorie, & habeto potestatem imponendi manus supra energumenos siue baptizatos siue categumenos; ut cautum est in concilio Carthag. IV. c. VI. apud D. ACHERIVM in *Spicil. Eccl. tom. I. p. 551.* Sed plerumque pro dæmoniacis, qui nunquam tales fuerunt, habiti sunt. Nam si quis graui olim & difficili morbo laborans magna commotione corporis actus, in quandam forte phrenesin, furorem, aut alias violentas & epilepticas contorsiones incidit: hunc statim *energumenum* immundis spiritibus agitari sibi persuadentes medico animæ exorcifante opus esse putabant. Hic igitur eum, quem cum vulgo pro dæmoniaco habebat, missa & pœnitentia, adhibitis insuper reliquiis, cruce, aqua benedicta, sale, oleoque exorcifato præparare prius solebant, quam ad terribiles exorcismos, quos sistit *thesaurus terribilium exorcismorum Colonia editus*, & reliquas acerrimas imprecationes perueniebant. Quem dæmones deiiciendi modum velut in compendio GISBERTVS VOETIVS delineat in *volum. III. dissert. p. 1156.* Quatenus igitur clerici energumenos vi *exorcismorum* a dæmonibus liberare studuerunt, *medici* olim nuncupati sunt. Illud enim elucet ex antiquissimis ordinationum formulis, in quibus exorcistæ hac benedictione muniuntur: *ut potestatem & imperium habeant, spiritus immundi coërcendi, ut probabiles sint MEDICI ECCLESIAE, gratia curationum virtuteque cœlesti confirmati*, ut antiquæ formulæ in ordinandis exorcistis adhibitæ apud EDMUNDVM MARTENIVM de *antiq. eccles. ritib. lib. I. P. II. p. 347. 359. 371. 486. &c.* & recentiores in *pontificali Romano p. 26.* docent.

Exorcistæ medici vocantur.

§. VII.

2) exorcismos
morbis me-
dendis adhi-
bent.

Olim S. euan-
gelia in agro-
rum curatione
adhibebant.

Gentiles in-
cantatione
utebantur.
Constantinus
M. tantum
noxias incan-
tationes pro-
hibuit.

Expellendorum itaque demonum virtutem cum sibi exorcistæ vindicauerint: quid mirum, quod(II) hanc exorcismo-
rum medicinam contra quaecunque morborum genera efficacis-
simam crediderint. Antiquissimis iam Christianorum temporibus mystica quædam vis *S. euangelii* in ægrorum curatione tri-
buita est, adeo ut non multi solum, ipsique etiam sacerdotes, quandam *euangelii* partem de collo suspensam cuiusdam instar *medicinæ* ad cauendos depellendosque morbos circum gestarent, verum etiam ægrotorum lectulo euangelii librum apponerent.

ANT. VAN DALE *de diuinationibus idololatricis* c. VI. p. 534. & *seq.* Quam superstitionem cum grauitè notat ac perstringit CHRYSOSTOMVS in *Hom. XLIII. in Matth. XXIII. tom. II. op. p. 897.* tum eandem eleganter ita describit AVGVSTINVS in *Io- han. Euang. tom. III. p. II. oper. p. 346. in f.* Cum caput tibi dolet, laudamus, si euangelium ad caput tibi posueris, & non ad ligaturam cucurreris. Ad hoc enim perducta est infirmitas hominum & ita plangendi sunt homines, qui currunt ad ligaturas, ut gaudeamus, quando videmus, hominem in lectulo suo constitutum, iactari febribus & doloribus, nec alibi spem posuisse, nisi ut sibi euangelium ad caput poneret, non quia hoc ideo factum est, sed quia prælatum est euangelium ligaturis. At hic supersticiosus ritus exoleuisse videtur, postquam exorcistæ formulis ex ipsis euangeliiis petitis ægrotis medicamen afferre, morbosque pellere per exorcismos studuerunt. In quo fere Christiani sacerdotes æmulati sunt gentiles, qui *carminibus magicis* magnam itidem vim attribuebant, ut his morbos malaque quævis depelli, vel eadem alteri infligi arbitrarentur. Ipse adhuc CONSTANTINVS M. fidem virtutemque insignem his carminibus adscripsit, ea demum prohibendo, quæ noxia sunt, non item quæ salutem adferre videntur, in l. 4. C. de malef. & mathem. & l. 3. C. Theod. eod. Ait: eorum est scientia punienda, & seuerissimis merito legibus vindicanda, qui magicis accincti artibus, aut contra hominum

moliti salutem, aut pudicos ad libidinem defixisse animos deteguntur. Nullis vero criminationibus implicanda remedia humanis quaesita corporibus aut in agrestibus locis, ne maturis vindemiis metuerentur imbres, aut ruentis grandinis lapidatione quaterentur, innocenter adhibita suffragia, (carmina) quibus non cuiusque salus aut existimatio laderetur, sed quorum proficerent actus, ne diuina munera & labores hominum sternerentur. Posterioris generis carmina plures eo tempore adprobabant, quod prodesse non obessent, & quia nouerat imperator, se inter gentiles adhuc leges scribere; horum moribus aliquid dandum esse opinatus est, cum Christianos ab omnibus incantamentis alienissimos sciret. Idem APVLEIVS GENTILIS apol. I. censuit dixitque: *Veteres medici etiam carmina remedia vulnerum norant, ut omnis vetustatis certissimus auctor Homerus docet, qui facit Vlyssi de vulnere profluentem sanguinem sisti cantamine: nihil enim, quod ferenda salutis gratia fit, criminum est.* Pluribus aliis testimoniis hoc argumentum exornat IAC. GOTHOFREDVS ad cit. l. 3. Quamuis his carminibus ad medendum vterentur incantatores; hos tamen VLPIANVS in l. I. §. 3. D. *Vtrum incantatores & exorcistae medici sint dicendi* de extraord. cognit. inter medicos non referendos esse iudicat: *non tamen, ait, medicis adnumerandus, si incantauit, si imprecatus est, si (ut vulgari verbo IMPOSTORVM utar) EXORCIZAVIT; non sunt ista medicinae genera: tametsi sint, qui hoc sibi profuisse cum praedicatione affirmant.* Ita Vlpianus. Idem plane CHRYSOSTOMI est iudicium in hom. IX. ad Coloss. tom. IV. op. p. 1187. *Dic mihi si quis accesserit medicus, & medicinae dimissis medicamentis incantet, eumne dicemus medicum? Nequaquam.* PLINIVS SECVNDVS quidem lib. XXVIII. hist. natur. c. II. de hoc genere medicinae anceps edisserit, quod animaduernerit, incantamentis ex gentilium Theologia magnam vim vulgo tribui. Ait: *Ex homine remediorum primum maximae questionis & semper incerta est, valeantne aliquid verba & incantamenta carminum. Quod si verum est, homini acceptum fieri oportere conueniet. Sed viritim sapientissimi cuiusque respuit fides.* In

uniuersum vero omnibus horis credit vita, nec sentit. Vsum quippe contrarium in gentilium sacris ipse obseruabat, licet sapientissimi quique virtuti horum incantamentorum fidem negarent, vt SOPHOCLES in *Aiace*: *haud medicus sapit, ad vulnus carmen qui adhibet, ubi ferro opus est.* Impostores hos vocat VLPIANVS, quorum vulgare verbum erat *exorcizare* seu *adiurare*, quod *carmine solenni* fiebat. Tali adiuratione utebantur Iudæi quidam *exorcistæ* circumforanei, *περιερχόμενοι*, de quibus *Act. XIX*, 13. qui dæmones eiicere tentabant eos adiurando per nomen CHRISTI. Obseruauerant enim, PAVLVM aliosque hoc dono miraculoso instructos energumenis manus imposuisse, atque dæmones eiicisse, non vlla arte magica, sed *precibus*, & *simplici* quadam *adiuratione*, IESV nomine nuncupato. Vtrum hos, siue *Iudæos*, siue *Christianos* intellexerit sub appellatione impostorum, vt ALCIATVS *lib. VIII. parerg.* censet, dubium est. *Iudæi* exorcistæ noti erant. Inter *Christianos* quoque statim tempore nascentis ecclesiæ, imo etiam tempore VLPIANI, sub CARACALLA & ALEXANDRO SEVERO florentis, non deerant, qui dono hoc miraculoso eiiciendi dæmones ab energumenis gaudebant, licet *exorcistis* peculiare officium *ecclesiasticum* haud assignatum fuerit. Sed etiam inter gentiles *incantamenti* in grauissimis morborum afflictionibus magna vis tribuebatur. Christianos dono hoc instructos designasse VLPIANVM, negat GVILIELMVS FORNERIVS *Lib. III. select. c. 28. relatus tom. II. thes. iur. Rom. p. 118.*, quod nulli exorcistæ eo tempore fuerint. Enimvero nomine tales non aderant, quos demum sec. III. in ecclesiis constitutos scimus: aderant tamen hinc inde, quibus extra ordinem hæc virtus eiiciendi dæmones & energumenos sanandi, inuocato nomine Christi, data erat, quamuis nomen speciale exorcistarum haud gererent. Vnde liquet, VLPIANVM quoscunque appellatione *impostorum* designasse, tum Christianos, tum Iudæos, tum etiam gentiles, qui incantamenti carminum ad morbos depellendos utebantur. Hi enim incantabant;

bant; hi imprecabantur; illis familiare verbum *exorcizare* erat, ideoque quoscunque notauit. (g) Interim nihilominus illa per *exorcismos* medendi ratio adeo olim mirabilis & virtutis plenissima credita fuit: vt exorcistæ vi imperii ipsis concessi non morbos solum pestemque abigere & profligare tentarent, verum exorcismos etiam ad tollendam, quam vulgus per *incantationes* procuratam esse credit, *impotentiam coniugalem* adhibendos Exorcismos esse censerent. Verum iam HERICVRTIVS *des Loix ecclesiastiques* adhibebant *dans leur ordre naturelle* P. III. c. 5. art. 11, §. LXVI. p. 452. contra impotentiam coniugalem. *caute & prouide* in hoc casu adhibendos esse censet exorcismos, ex eo, quod ex naturalibus plerumque causis infirmitas coniugalis proficiscatur; meo vero iudicio in hoc & ceteris casibus plane ex ecclesia exulare deberent, cum magna & mirabilis illa, quæ apostolis *iure extraordinario* data erat, sanandi daemonesue expellendi potestas, muneri sacerdotali non sit adiecta, nec *dona extraordinaria* certos successores acceperint. Interim ex his, quæ hætenus disputata sunt, illud, quod ad rem meam facit, satis superque elucere sufficiat, etiam corporis sanitati *remediis ecclesiasticis* ex ecclesiæ Romanæ sententia sacerdotes succurrere posse.

§. IX.

- (g) Quod ergo verbum *exorcizare* impostorum esse, ait VLPIANVS, haud dubium est, primario sugillare voluisse *Christianos*, quorum ipse intensissimus hostis erat. Gentiles enim hoc conuicio nominasse christianos, BARONIUS in *annal. eccles. ad a. 56. n. 11. tom I. p. 588.* ex HIERONYMI ep. X. ad *fur.* probat, vbi hic, *ubicunque viderint Christianum*, inquit, *vsurpant statim illud de triuio. Ω γράμμις ἐπίδότης*, scilicet, o *Græcum impostorem.* Non tamen excludit etiam *Judæos* & gentiles, quorum *imposturam* & *incantamenta* etiam ab arte medica remouet. Conf. *tom. V. iur. eccles. p. 415. sqq. vener. parentis*, vbi hoc fusius declaratum est.

§. IX.

(3) per vñ-
ctionem ex-
tremam

Denique (III.) *animæ medici* simul corporis sanandi cu-
ram suscipere dicuntur, quatenus grauius ægrotantes inungunt.
Extrema enim vñctio simul *animæ & corporis medicina* esse cre-
ditur, vt sacerdotes rursus officio medici in hoc actu fungan-
tur. Vnde *Cabilonense concilium* anno 813. habitum (h) post
præceptam *cap. XLVIII.* infirmorum vñctionem subiicit: *Non est*
igitur parui pendenda huiusmodi medicina, quæ ANIMAE COR-
PORISQVE medetur languoribus. Hoc etiam antiquæ vltius
docent, quibus sacerdotes in inungendis infirmis vtuntur, ora-
tiones atque formulæ. Etenim sacerdos vñctionem peragens
apud LAVNOIVM de *infirmorum vñctione* tom. I. oper. p. 467. ita
precatur: *succurre, Domine, infirmo, & medicare ei spiri-*
tuali medicamine, vt in pristinam sanitatem restauratus gratia-
rum tibi referat actiones. Porro ipse ægrotans hac inungi so-
let formula, quam IDEM c. l. p. 469. tradit: *Inungo te oleo san-*
cto & sacro, vt virtute Spiritus S. tribuat tibi hæc sacra vñctio
SANITATEM ANIMAE ET CORPORIS. Neque minus il-
lud hæc illustrat formula: *vt fugatis omnibus doloribus vel in-*
commoditatibus corporis hic recuperetur in te virtus & salus, qua-
tenus per huius operationem mysterii & per hanc sacri olei vn-
ctionem & nostram deprecationem virtute S. Trinitatis medica-
tus siue fatus pristinam & melioratam recipere merearis sanita-
tem. Plures similes formulas collegit EDMUNDVS MARTENIVS de
ant. eccl. ritib. L. I. P. II. p. 128. 132. 135. sq. Forſitan non abs-
que ratione in vltima laudata clausula vñctionis virtus quodam-
modo restricta est, quatenus scilicet infirmus sanitatem recipere
mereatur. Neque enim ita deerit vnquam excusatio, quum, si
forte medicina effectis destituatur, prætere, & ægrotum non
meruisse sanitatis restitutionem, affirmare possint. Huic igitur
ecclesiasticæ per oleum susceptæ *medicinæ* tanta tamque insignia
effecta

(h) ab HARDVINO tom. IV. act. concil. p. 1040. relatum.

effecta vindicant; quanta mirabili illi, a Christo & apostolis per oleum peractæ curationi, in sacris litteris asseruntur, cum tamen huius longe alia & specialis plane ratio fuerat. Apostoli enim in illa sanatione non *naturali* quadam *medicina* vsi, sed altiori & augustiori curandi dono ab ipso medicorum principe instructi fuerunt, testibus MATTHÆO c. X, I. LVCA I, I. 2. illud ipsum luculenter adstruentibus. Quam virtutem miraculosam quomodo exercuerint Apostoli, neruose ostendit MARCVS cap. VI, 7. qui oleo, inquit, ungebant multos aegros, & sanabant, ex quo unctionem ægrotantium cum mira eorundem curatione coniunctam fuisse liquet. Solius olei tanta vis esse non poterat, ut eius solius inunctione ægrotans illico conualuerit, quamvis in eam sententiam abeat, & Apostolorum unctionem *naturalem curationem* fuisse, censeat vir eruditissimus IO. LIGTHFOOTIVS vol. II. oper. p. 444. Illud quidem verum est, veteres oleum instar *medicinæ* ægrotis adhibuisse, inprimisque eodem ad augendos infirmorum debiliūque vires esse vsos, quem morem Iudæis inprimis familiarem fuisse, IDEM in sententiæ suæ illustrationem ex talmudibus luculenter demonstrat. Veteres etiam Romani sanitatis causa oleo utebantur sæpissime, in peculiari balnei cella, unctorium dicta, sese ungere consueti, ceu ex antiquitatibus deducit IO. BAPTISTA CASALIVS de *profanis* & sacris veteribus ritibus cap. XXIV. p. 129. sq. At enim vero illud tamen negari nequit, oleum in quibusdam tantum morbis, non in quibuscunque grauissimis, medicaminis loco fuisse; neque minus illud verum est, uti per cetera medicamenta lento gradu æger reconualefcit, ita & olim per olei vsum naturalem, ægrotos sensim ac pedetentim recuperasse sanitatem. Longe autem alia est olei ab apostolis in mira sanatione adhibiti ratio, quæ vel in eo mirabilis existit, quod simulac hanc exercerent, æger illico pristinae fuerit sanitati restitutus, Quodsi huius mirifici doni a Christo datam apostolis potestatem, cuius summum caput nobis seruauit Matth. XVI, & Marcus XII, 15, curatius

Oleum Apostoli adhibuerunt in curatione miraculosa.

Vtrum oleum fuerit medicina?

quod negatur

& penitus inspicimus: indefinitam omnis languoris omnisque infirmitatis sanandæ illis datam reperimus facultatem. Apostolorum itaque sanandi potestate ad quævis morborum genera sese extendente, illos in mira curatione oleum tanquam *medicamen naturale* non adhibuisse, manifestum est. Quod si enim contrarium verum esset, illis tantum, quibus oleum naturali ratione proderat, ægrotis apostoli mederi potuissent, cuius contrarium tamen non sacræ solum litteræ docent, verum etiam *olei* vsus in omni ægrorum curatione necessarius fuisset, numquam prorsus negligendus aut prætermittendus. Præterea illa sanandi facultas *oleo* non adfixa fuit, sed hoc, prout commodum & consultum videbatur, vsi sunt apostoli. Hos enim persæpe absque *oleo* ægrotos sanasse, ex gestis illorum manifestum est, idque illustri PETRI, claudum ad fani portam curantis exemplo docent *ACTA. III, 16*. Denique quid opus fuisset, ut Christus eos hac sanandi potestate præ reliquis exornasset, si omnis hæc sanatio naturali *olei* vi fuisset absoluta? Quæ enim omnium communia sunt, sicuti peculiari concessione non indigent: ita cum Iudæis in more solenni fuerit positum, ægros *olei* medicina sanare, frustra illis *singulariter* hanc facultatem Christus concessisset. Tantum igitur abest, ut illi oleo tanquam medicamine, cuius *vi naturali* ægroti sanarentur, vsi fuerint: ut potius longe certius sit, illud ab apostolis instar *symboli miraculosæ* illius, quam possidebant, *virtutis* adhibitum fuisse. (i) Quemadmodum enim ipsi Deo ac Christo *miracula* per *symbola* edere solenne fuit; & Deus ideo rupem prius a Mose percuti iussit, quam ex rupe aquam mira ratione produceret, nec non Christus surdum mutumque curaturus, manu auribus admota, oculos eius in mirabilis sanationis significationem sputo illiniuit: ita & Apostoli hunc morem secuti, quos

In symbolum
miraculosæ
virtutis ole-
um ab illis ad-
hibitum fuit.

(i) Quod pluribus argumentis demonstrat IO. ANDR. SCHMIDTUS in *Decade Dissertationum* diff. III. laudatus in *Actis Erud. mensis Iulii* a MDCCXIV. p. 337.

quos miraculose sanabant, *oleo* primum inunxerunt, ut hoc veluti *symbolo* singularem illam sibi concessam virtutem manifestarent. Sed quæres fortasse, qua ratione Apostoli inducti *olei* potissimum vñctione ægrotos mirabiliter sanandi facultatem significauerint? Respondeo: Cum multa, quæ Iudæis in more fuerunt, seruare & ad Christianorum instituta transferre solebant: ita in *oleo* ægrotorum curationi adhibendo secuti Iudæorum mores videntur. His enim nihil solennius fuit, quam non infirmos solum *curationis gratia* inungere, sed etiam precibus pro ægroto fuis in vim *solaminis* vñctionem per oleum adnectere, cum oleum ex illius gentis usu *gaudii & spei*, ut DAVIDE *Pf. XLV.* vocatur, *symbolum* vocaretur. Vñctione profecto eandem fere, quam manuum impositioni vim attribuerunt Iudæi, qui, ut HUGO GROTIUS in *comment. ad MARC. VI, 12.* inquit, *et manuum impositionem precibus pro aliquo susceptis adiungere solebant, ita & vñctionem per oleum circa ægrotos, pro quibus preces suscipiebantur, in spem impetrandi a Deo leniminis & gaudii, quæ per oleum significatur.* Quod igitur *symbolum letitiæ* fuerat, hoc in signum mirabilis illius sanandi virtutis adhibere plerumque Apostoli solebant; *plerumque* inquam, cum uti supra iam monitum, exempla non desint, ex quibus illos quoque absque *oleo* ægrotos mirabiliter sanasse, clarissime eluceat. *Act. XIX, 12.* Conf. IO. DALLÆVS de *extrema vñctione cap. V.*

§. X.

At enim vero mirificum illud, quod medicorum princeps cum apostolis communicauerat, sanandi mysterium, uti cetera, quibus præ reliquis præditi erant, dona singularia, in eorum haud transierunt successores. Putauerisne igitur, quos ægrotis accersendos esse IACOBVS suadet presbyteros, mira illa virtute fuisse instructos. IACOBVS enim *cap. V, 15.* *infirmatur quis, inquit, in vobis? Inducat presbyteros ecclesiæ, & orent super eum, ungentes eum oleo in nomine domini, & oratio fidei saluabit infirmum, & adleuabit eum Do-*

Vtrum oleum
a Iacobo tan-
quam medici-
na corporis &
animi propo-
natur?

minus, & si in peccatis sit, remittentur ei. En nouam singularis cuiusdam, quam sacerdotes exercent, medicinae speciem? Vtrum vero eadem, quam MARCVS apostolis vindicat, mira sanandi vis *presbyteris* asserta sit a IACOBO, an huic vero de alia sermo sit spirituali medicina? difficultatelaborare videtur. Priorem sententiam magna contentione propugnat DALLAEVS de *unctione extr. cap. VI*, eandem plane ab utroque MARCO & IACOBO delineari censens miram sanandi facultatem. Verum enim vero, quod pace viri doctrina praestantissimi dixerim, illud, in quo omnis eius sententiae cardo vertitur, in tuto satis loco positum esse non videtur. Cum enim *presbyterorum*, seu seniorum, qui ecclesiae plerumque praeerant, in *cit. l.* mentionem iniiciat IACOBVS, eosque aegrotis aduocandos esse commendet; presbyteros quoscunque mirabili sanandi dono praeditos fuisse, ante omnia probandum fuisset. Quam enim pro stabilienda sententia ex Pauli ad *Corinth. I. c. XII.* trahit coniecturam, rem omnem haud conficere, quemlibet, qui *locum cit.* curatius perlustrauerit, facile existimaturum credo. De quo enim ibi sermo est *ιαμάτων χάρισματε*, seu *curationum dono*; illud cum *presbyteris* communicatum asserit quidem, non autem probat, cum tamen illud de singulari illa *Apostolorum & Apostolicorum* quorundam *virorum*, hoc dono instructorum, virtute pro re nata interpretandum esse, ex eiusdem capitis *commate 28.* perspicue appareat. Insignem istam quidem *presbyteris* quibuscunque concessam fuisse facultatem, vlllo sane idoneo ex sacris litteris defendi nequit argumento; cum tria illustria, quae apud MARCVM VI. apud MATTH. X. apud LVCAM IX. exhibentur concessae huius mirabilis sanandi virtutis documenta, de *apostolis* plane & aperte loquantur. Auctor scilicet & suator aegrotis est IACOBVS, vt *seniores ecclesiae* advocent, qui & oleo eos inungant, & pro iisdem supplicent. Cum oleo itaque *supplicationem*, seu cum *corporis medicamine spiritualem medicinam* in aegrotis sanandis coniungendam esse, commendat. Quod si animaduertamus, cui inter haec in primis *curationis*

tionis virtutem tribuat: hanc vim reperiemus supplicationi fidei vindicari. *Oratio fidei*, inquit, *saluabit infirmum, & adleuabit eum dominus.* (k) Non igitur inunctione, sed oratione tam presbyterorum quam ipsius ægrotantis ex fide in saluatorem profecta, corporis sanitatem ægrotum impetraturum esse, IACOBVS pollicetur. Conf. H. GROTIUS in comment. ad cit. Iacobi locum. Hoc nomine iam antea in commate præcedente XIII. afflictis commendauerat supplicationem, & in commate subsequente, supplicate, inquit, alius pro alio, vt sanemini. Multum valet, efficitque VIRI BONI PRECATIO. Quod autem precibus ad Deum fufis inunctionem coniungendam esse suadeat IACOBVS, mores Iudæorum, quibus admodum adhuc dediti erant fideles, vtpote a Iudæis originem ducentes, secutus videtur, qui, vt supra dictum, reficiendi ægroti caussa oleo eum inungebant. Insignem huic loco ex ritibus Iudaicis lucem adfundit vir antiquitatum Iudaicarum doctrina ornatissimus IO. LIGTHFOOTIVS Vol. II. op. p. 113. qui Hebræorum morem, tum inungendi ægrotos, tum vna incantationes adhibendi, ex clarissimis Talmudum testimoniis illustrat. Rem inprimis exornare videtur locus ex Talmude Hierosol. in Schabb. fol. XIV. col. 3. qui incantat, oleum capiti imponit, & incantat, & in seqq. aliquis ægroto incantamenta adhibuisse memoratur. Cum igitur, inquit, LIGTHFOOTIVS, hæc inunctio ægrotorum vna cum incantamentis mos fuerit vulgaris & execrandus: hic Apostolus melius eos docet, accersendos scilicet presbyteros seu ministros ecclesiæ ad ægrotos, vt inungerent, & vna pias & vehementes preces pro iis funderent, quod non solum ma-

(k) Eandem sanationis vim etiam orationi fidei tribuit ELIGIVS Noviomensis episcopus apud CAR. COINTIVM tom. III annal eccles. Francorum p. 488. Ait enim: Qui ægrotat -- oleum benedictum fideliter ab ecclesia petat, vnde corpus suum in nomine Christi vngat, & secundum Apostolum oratio fidei saluabit infirmum, & alleuabit eum dominus, vt non solum corporis sed & animæ sanitatem recipiat.

gis vsui & solamini foret, verum euangelio magis consentaneum, quam incantamenta omnia, quæ usurpata sunt. Quæ omnia cum satis superque demonstrent, orationem fidei vt spirituales corporis medicinam proponi; hanc curationem etiam hodie ægris adhibere sacerdotes oportet, vt ipsi & ægotantes precibus infucata fide ardentibus, supplices a medico optimo maximo sanitatis integritatem efflagitent. Neque hæc tantum de eorum, qui in *extremis* sunt, aut quorum mors magis quam vita spectatur, curatione intelligenda sunt: cum de infirmis *generaliter* loquatur IACOBVS, *si quis ægotat*, inquiens, ideoque quoslibet & grauiter leuiterue laborantes denotare voluerit, ceu pluribus solide ostendit IO. DALLAEVS de *unctione extr.* p. 85. & SELDENVS de *Synedriis l. II. c. 7. p. 756.*

§. XL

Baptismum
ad alterum
sanandum
adhibere, sa-
cerdotes pro-
hibentur.

Consideratis igitur. quibus clericis ad corporis sanitatem recuperandam vtiliter, *spiritualibus remediis*; expensis, quibus morbos depellere satagunt exorcismis; & sub examen reuocata, quam animi corporisque curandi ergo sacerdotes adhibere solent, *unctione extrema*, breuissimis adhuc spurium aliquod, quod ipsi iuri canonico reprobatur, *remedium spirituale* sanitatis recuperandæ causæ olim adhibitum, adducere liceat. Fuerunt, qui *baptismo* singularem in valetudine obtinenda vim attribuentes, eundem ægotis medicaminis instar adhibendum suaserunt. De ea re conqueritur ALEXANDER III. c. 2. X. de *Apostatis*. *Ex litterarum tuarum tenore perpendimus, quod quidam aegritudine longa confectus insano sortilegarum mulierum credens consilio, vt sanaretur, per iterationem fecit iniuriam baptismatis sacramento: & infra pergit: Adstitit huic autem sacrilegio adolescens quidem bonæ, vt videtur, indolis, acoluthus, frater carnalis illius, in quo baptismus asseritur iteratus, qui ministerium in respondendo exhibuit presbytero baptizanti, & cooperator exstitit rei nefandæ. Ex quibus patet, hanc baptismi medicinam ægroto a sacerdote quodam esse ad-*
moram

motam. Quæ prauitas atque temeritas non potuit non Pontifici maxime improbari, cum baptismus longe alium finem, quam corporis medelam habeat, atque iste abusus instar sacrilegii sit, & scripturæ S. ac canonum præterea principiis repugnet, baptismum reiterari. *Rebaptizare hereticum hominem, qui hæc sanctitatis signa perceperit, quæ Christiana tradit disciplina, omnino peccatum est: rebaptizare autem catholicum, immanissimum scelus est* AVGVSTINO in c. 108. de consecrat. D. IV.

§. XII.

Absoluta est quæstionis in §. VII. propositæ decisio affirmatiua, quatenus scilicet animæ medicis per remedia spiritualia aëgris mederi licitum est. Nego autem, iisdem per naturalia aëgros sanare medicamina, fas esse. Si a primis quidem Christianorum temporibus res repetenda est; sacerdotum sanandi artem simul exercentium haud defunt exempla. Ipse euangelista LVCAS PAVLO medicus dicitur ad Coloss. IV, 13. quod & EVSEBIVS histor. eccl. lib. III. c. 2. testatur. AMBROSIVS aliosque in Sanctorum numerum relatos viros ob plura sanationum testimonia laudari, docet IO. TIRAQVELLVS de nobilit. tom. I p. 128. seqq. Quid? quod ipsos etiam pontifices, adhibitis quandoque medicamentis, alios curasse, Eusebii, Nicolai V, & Pauli II. pontificum exemplo IDEM c. l. p. 133. probat. Neque enim prioribus mille seculis medicinam clericis prohibitam constat: cum potius contrarium luculentis demonstraret argumentis EM. GONZALEZ TELLEZ ad decret. tom. I. p. 484. n. 9. Quod vero CLEMENTIS II. temporibus h. e. a. 1189. medicinæ studium clericis nondum interdictum putet GONZALEZIVS; illud contradicere videtur illius temporis monumentis. Etenim cum iam anno 1131. patres concilii Rhemensis de nimia canonicorum & monachorum licentia essent conquesti, quod neglectis ordinis sui regulis medicinam, spe futuri lucri, calletent: illis ab INNOCENTIO II. medicinæ discendæ facultas in eiusdem Concilii can. VI. penitus ademta est, cuius sanctionis ab HAR-

Vtrum cleri-
cis medicinæ
studium sit
prohibitum?

Olim ante sec.
XII. prohibi-
tum non fuit.

Ab innocen-
tio II. prohi-
bitum

monachis &
canonicis,

DVINO in *act. concil. tom. VI. p. II. p. 1192.* exhibitæ hic tenor est. *Præua autem consuetudo, prout audiuius, & detestabilis inolevit, quoniam monachi & regulares canonici post acceptum habitum & professionem factam, sprete beatorum magistrorum Benedicti & Augustini regula, leges temporales & medicinam gratia lucri temporalis addiscunt - - - Ipsi quoque canonici & monachi neglecta animarum cura ordinis sui propositum nullatenus attendentes pro detestanda pecunia sanitatem pollicentes humanorum curatores se faciunt corporum. - - - Ut ergo monasticus ordo & canonicus Deo placens in sancto proposito inuiolabiliter conseruetur, ne hoc ulterius præsumatur, auctoritate Apostolica interdiciamus. Episcopi autem & abbates tantæ enormitati consentientes propriis honoribus spolientur.* Eadem constitutio papalis in concilio Lateranensi art. IX. a. 1139. ab eodem pontifice INNOCENTIO II. repetita legitur apud HARDVINVM *cit. l. p. 1289.* At sicuti fraus legibus quæri solet; ita & religiosi ad euertendam laudatarum constitutionum vim prætexentes, se ideo in medicinam incumbere, ut languentium fratrum sanitati consulere, facultatem ex claustris medicinæ callendæ ergo egrediendi, plurimi impetrarunt. Itaque huic nouo morbo nouum antidotum præparandum erat. Actum ea de re fuit in concilio Turonenfi a. 1180. ex quo, quæ sequuntur, ALEXANDER III. in c. 3. X. *ne clerici vel monachi* refert: *Inde nimirum est, quod in angelum lucis se more solito transfigurans, sub obtentu languentium fratrum consulendi corporibus, & ecclesiastica negotia fidelius pertractandi, regulares quosdam ad legendas leges (h. e. audiendas vid. c. X. h. t.) & confectiones physicas ponderandas de claustris educit. Vnde ne occasione scientiæ spirituales viri mundanis rursus actionibus inuoluantur: statuimus, ut nulli omnino post uotum religionis & post factam in aliquo loco religioso professionem ad physicam legesue mundanas legendas permittantur exire. Si vero exierint & ad claustrum suum intra duorum mensium spatium non redierint, sicut excommunicati ab omnibus euentur, & in nulla causa, si patrocinium*

& ab Alexan-
dro III.

cinium prestare voluerint, audiantur: reuersi autem in choro, capitulo, mensa, & ceteris ultimi fratrum existant, & (nisi forte ex misericordia sedis Apostol.) totius spem promotionis amittant. Atque vel ex hoc quoque canone, qui itidem CLEMENTIS III. temporibus antiquior est, iam tum clericis interdictam fuisse medicinam, luculenter apparet. Quod autem sub *physica* voce *medicinam* intellexerit pontifex, ex illius æui stilo, quem pluribus apertis testimoniis illustrat CAROLVS DV FRESNE in *glossa* Sab *physica* intelligitur *medicina*. *rio* voce *physica*, clarum & manifestum est. Medicina enim *physica* pars summa olim habebatur, teste MACROBIO *Saturnal. Lib. VII. c. XV.* Nec multis opus est argumentis, cum hanc causam plenissime instruat *c. 7. X. de etate & qualitate*, ubi is, qui in *arte physica* eruditus est, iuxta huius artis traditionem exhibuisse aliis *medicinam* dicitur. Verum enim vero, quæ hæcenus prodierunt constitutiones, *religiosis* tantum interdixerant *medicinæ studio*, ceterorum clericorum nulla iniecta mentione, nisi quod INNOCENTIVS III. a. 1216., ne *subdiaconi, diaconi* vel *sacerdotes* vllam chirurgiæ, quæ *adustionem* vel *incisionem* inducit, artem exerceant, cauerit. *c. 9. X. ne clerici vel monachi.* Itaque hæc cura, hoc studium fuit HONORII III., ut laudatam supra ALEXANDRI III. *artis medicæ* prohibitionem in omnes omnino *presbyteros, diaconos*, omnesque *clericos*, perfonatum habentes, extenderit, addita excommunicationis ipso iure incurrendæ grauissima pœna in *c. 10. X. ne clerici vel monachi & c.* id quod BONIFACIVS VIII. confirmavit in *c. 1. in 6. cit. tit.* Quæ cum ita sint, quare & religiosi, & in sacris ordinibus, & in dignitate constituti Clerici a medicinæ castris tam seuera lege arceantur, ratio eruenda est. Cum religiosi, vitæ sanctiori ex regulis curatius agenda mancipati, in canonibus strenue & ad vnguem vsque obseruandis, & in *vita ascetica* in monasterio perficienda omne studium, consilium, mentem denique omnem defigere teneantur: ab omnibus, quibus ab hac sollicitudine auocari possent, rebus sollicitè illos abstinere oportet.

Ne igitur, ceu mens est ALEXANDRI III. *in cit. c. 3. X. cit tit. occasione scientiæ spirituales viri mundanis rursus actionibus inuoluantur*: ei rei hac prohibitione est prospectum. Quæ quidem cur ad sacerdotes aliosque ad sacros ordines & ad dignitatem promotos clericos extensa sit; eadem subfuisse videtur ratio, ne & hi *secularibus* sese *negotiis* immisceant. Neque hæc spernenda est, cum illa, qua pro aliorum *salute* euigilare atque excubare tenentur, cura atque sollicitudo tam late pateat, tam grauis & tam ampla sit, vt vnus hominis humeri huic oneri ferendo vix sufficere videantur, ideoque pluribus sese distingere negotiis haud possit, ceu pluribus hanc causam argumentis exornat Dn. PARENS *tom. III. iur. eccles. prot. p. 1069.* Ne igitur ab ista cura pastoralis occasione huius disciplinæ auocentur, illis seuera lege, terrente ipso excommunicationis fulmine, aditus ad medicinam penitus præclusus est. Huic aliam rationem subiungit HONORIUS III. *c. 10. X. cit. tit.* vt scilicet clerici, posthabita medicina, spretisque omnibus aliis artibus, in vnico theologico studio excolendo, perpoliando, & ampliando figant cogitationes, vt fides catholica hoc velut inexpugnabili muro circumcincta aduersariis quibuscunque resistere valeat. Quare vero imprimis *chirurgia* abhorreere debeant clerici, ratio in promptu est, cum illa absque *sanguinis profusione* vix exerceatur, hanc vero cane peius atque angue clericos fugere, tam clarum sit, quam quod clarissimum. Si quis clericus igitur *artem chirurgicam* exercuerit; irregularis fit, imo in excommunicationem incidit. *c. 10. X. ne clerici vel monachi secul.* Elegans est, quem INNOCENTIVS III. *in c. 19. X. de homicid.* refert, casus, vbi monachus sacerdos *artis chirurgicæ* peritissimus gutturis tumorem, quo mulier laborabat, ferro aperuerat, eadem monita, ne vento se daret; illa vero, contempto mandato, vento sese exponens diem supremum obierat. Vtrum ergo ille *chirurgus* & *sacerdos* sacerdotali officio amplius fungi posset, querebatur? Respondit Pontifex, *de rigore* quidem sacerdotalis ordinis exercitio ipsi

3) ceteris clericis,

ratio prohibita chirurgiæ,

explicatur c. 19. X. de homicid.

ipsi esse interdicendum. Namque non in excommunicationem solum *ipso facto* incurrerat, sed quoniam rem illicitam tractauerat, ei *homicidium* mulieris *casuale* ea ratione fraudi fuit, vt tanquam *irregularis* vix suum amplius officium exequi posse videretur. *c. VIII. & XIII. X. de homicidio*. At enim vero cum excommunicatio, peracta pœnitentia & satisfactione, solui solet; ac in huiusmodi *homicidio*, ad *casuale* magis inclinanti, facilis sit dispensatio, vt ex *cit. c. 8.* apparet: INNOCENTIVS III. neglecta canonum seueritate, misericordia ductus in sacerdotem, qui non *quæstus* sed *pietatis* causa, adhibita diligentia accuratissima, sanare mulierem instituerat, *misericorditer agendum* h. e. dispensandum in hoc casu esse putauit, vt, peracta digna satisfactione, diuina rursus celebrare posset sacerdos. vid. ANT. DADINVS ALTESERRA in *comment. ad Innocent. III. decret. ad cit. c. 19. p. 568.* Quæ omnia et si ita sint comparata: pontifex tamen non per *dispensationem* solum, sed, quod admodum singulare est, etiam per *privilegium*, clericis quandoque huius artis, impune exercendæ, facultatem largiri solet; quod ius tamen eo tantum vsque concessum intelligi debet, quoad medicinam tractare absque *incisione* & *adustione* possunt. Momentosum est exemplum, quod habet ANDR. MENDO de *iure Academico L. II. qu. XXX. n. 367.* quo GREGORIUS XIII. societati Iesu sub eadem limitatione privilegium dedit, vt religiosi, ex illa periti medicinæ, ex consensu & superiorum auctoritate, deficientibus aliis medicis, medendi artem in quoscunque exercere possint. (1) Quamuis vero medicinæ studio tam seueris legibus apud protestantes haud interdican-
 tur protestantes
 ecclesiæ ministri; prohibitionis tamen ratione, qui animæ cu-
 ram gerunt, alienis distringantur negotiis, apud eosdem mili-
 tari, cere possint.

E 2

(1) Religiosis non absolute *artem medendi* interdictam docet FRANCISCVS BELLIZARIUS in *manual. regul. tr. VII. c. 5. tr. 4. n. 215. sq.* nisi medicamen *periculosum* adhibuerint, vel ad *incisionem* & *adustionem* processerint.

tat, vt illius artis vsus atque exercitatio ab eorum officio procul merito debeat abesse. Quid? quod cum per leges prouinciales in plerisque protestantium territoriis sanandi publice profiteri artem prohibeantur, qui auctoritate publica non sunt approbati: ad illius profecto exercitium vix ac ne vix quidem se legitimare poterunt sacerdotes.

§. XIII.

Discrimen inter medicos animae & corporis.

Ceterum vti vtriusque *animae corporisque medici* officium amplissimum est: ita inter vtrumque maximum discrimen intercedit, cum illi *animae*, hi *corporis* salutis prospiciant. Hanc differentiam ipse INNOCENTIVS III. constituit in supra laudato c. 13. X. *de penit. & remiss.* Quoniam vero *corporis & animae* incolumitas omni ratione quaerenda est; & vtrique per *animae corporisque medicos* promouetur: hos ad spiritualem naturalemque sanitatem obtinendam coniungendos esse, pontifex sanxit. Quandoquidem anima longe pretiosior est corpore: illius in primis curam praefarendam esse idem censuit isti, quae pro naturali prosperitate restituenda suscipitur, sollicitudini, & animae per *penitentiae* sacramentum iuxta disciplinam ecclesiae Romanae prius consulendum esse decreuit, quam corpori medicina praeparetur; ne vbi quis valetudinis debilitatae rationem habet, *spiritualis* abiiciat salutis cogitationem. Quae vt ab aegrotis eo accuratiori diligentia obseruentur; medicis corporum seuera lege INNOCENTIVS III. cit. l. 13. praecipit, vt cum eos ad infirmos vocari contigerit, ipsos ante omnia moneant & inducant, vt medicos aduocent *animarum*, vt postquam fuerit infirmo de *spirituali salute* prouisum, ad corporalis *MEDICINAE REMEDIUM SALVBRIVS* procedatur. (m) Ex quo vero haec sanctio post plurium annorum interualla adcuratius obseruari neglecta est: illam variis in
vsum

Medici aegrotos ad animae medicos aduocandos inducere debent.

(m) Haec constitutio desumpta est ex cap. XXII concilii generalis Lateranensis IV. a. 1215. celebrati, quod habetur apud HARDVIVM in act. concil. rom. VII. p. 38.

usum reuocatum esse conciliis, reperimus. Quod factum est a. 1429. in concilio Dertusano ab HARDVINO tom. VIII. p. 1084. relato, in quo hæc causa: *Dilectionis debitus ordo peruertitur, si medicina corporis prius & diligentius quam sanandis animæ vulneribus, intendatur. Sane licet in sacro concilio generali fuerit districte præceptum: --- ipsum tamen tam salubre & utile statutum aut obliuione aut contemptu frustrari cernitur debito observationis effectu. Propterea cupientes, quod pro animarum salute tam utiliter dignoscitur statutum, debita executione potiri; uniuerfis corporum medicis districte precipimus & mandamus, ut ipsum studeant fideliter obseruare, ipsis nihilominus sub excommunicationis pœna, quam incurrere ipso facto mandamus, ut nullum infirmum ultra tertiam vicem visitare præsumant, de quo non sciant, quod in illa ægitudine salutare pœnitentiæ sacramentum suscepit. (n) Quæ omnia tandem PIVS V. in bulla anno 1566. promulgata in BVLARIO MAGNO ROMANO tom. II. p. 177. confirmavit & adauxit, in eiusque §. 3. ita decreuit: *Hac nostra in perpetuum valitura constitutione statuimus & decernimus, quod omnes medici, cum ad infirmos in lecto iacentes vocati fuerint, ipsos ante omnia moneant, ut idoneo confessori omnia peccata sua iuxta ritum S. R. E. confiteantur; neque tertio die ulterius eos visitent, nisi longius tempus infirmo conijctor ob aliquam rationabilem causam, super quo eius conscientiam oneramus, concesserit, & eius per fidem confessoris in scriptis factam constiterit, quod infirmi, ut præmittitur, peccata sua confessi fuerint.* Mirum vero adhuc cuidam videri*

Quod illustratur ex aliorum conciliorum canonibus.

E 3

posset

(n) idem a. 1551 in concilio Narbonensi can. 52 & in concilio Mediolanensi P. II. const. VI. a. 1565. est repetitum, quorum posterius ab HARDVINO tom. X. p. 654., prius vero tomo eodem p. 459. exhibetur. Plures adhuc conciliorum, quæ rem præsentem exornant, atque Galliam imprimis concernunt, antiquiores recentioresque constitutiones collegit EMANVEL GONZALEZ ad c. 13. de pœnit. & remiss. p. 569. & IO. PONTAS in dictionar. casuum conscient. tom. II. p. 568.

Quare medicis hæc obligatio imposita sit?

posset, quare *medicis* præsertim hæc fuerit obligatio imposita, vt de *spirituali* ægrotantis *salute* solliciti, eos ad confitendum inducant, cum ad *ipsos* potius *ægrotos* hæc cura pertineat. Animaduenterant nempe pontifices, (α) hanc ab ipsis plerumque ægris negligi & flocci haberi, ideoque sæpissime contingere, eosdem ingrauescente morbo ipsa debilitate a seria salutis cogitatione deflecti & abstrahi. Præterea (β) haud ignorarunt, quantum medicorum apud infirmos sit auctoritatis pondus, & quantopere eorum ambiant atque sollicitent auxilium. Cum enim illi sanitatis, qua pretiosius nihil mortalibus esse solet, sint moderatores, ideoque quoddam veluti *vita necisque imperium* obtineant, vti loqui amat IAN. LANGLAEVS *semestr. Lib. VIII. p. 591.* tantum valent apud ægrotos medici, vt illos ipsis Imperatoribus imperare asserat PLINIUS *hist. Nat. Lib. XXIV. c. 1.* Vnde ille apud TERENCEM *Andr. act. III. sc. II. v. 4.*

Quod iussi, ei date bibere, & quantum imperavi,

Date

& paucis interiectis v. 10.

Non imperabat coram, quid opus facto esset puerperæ.

Idem illustrat COVS ille HIPPOCRATES, qui libro de *medico*, cum in omnibus rebus, inquit, multum sit in iustitia præsidii: tum vero medico cum ægrotis non parum est commercii, cum se ipsos illi subditos faciunt. Medicorum igitur auctoritatem satis commodam atque opportunam pontifices putauerunt, vt hi non leni solum sermone monitisque amicissimis ægrotos ad *confessionis remedium* capiendum inducant, sed & si pertinaces sint, animumque obfirment, hos per tres dies visitatos deferant, neque ope, neque medicina eorum valetudini prius succurrant, quam si *animæ* medicos aduocatos fuisse perspectum cognitumque habeant. Interim eiusmodi cum ægris versandi rationem *coacti nem moralem* complecti, quilibet mecum facile consentiet, consideraturus, idem esse, externam vim alteri inferre, & vitæ conseruandæ remedia, opem, atque medicum auxilium languidis

Per medicos moraliter ad confitendum coguntur.

dis hæc omnia anhelantibus subtrahere. Illustri exemplo hoc esse poterit illius, quod in *conscientias ius canonicum* exercet, *imperii*. Dum enim ægrum, qui negligit spirituales pœnitentiæ medicinam, a medicis derelinqui cauet: hoc ipso per *remedium coactuum* ægrotum ad ea, quæ ad salutem & religionem spectant, capienda impellunt; cum tamen *nihil tam voluntarium quam religio sit, in qua si animus aduersus est, iam sublata, iam nulla est.* LACTANTIUS *Lib. V. c. 14.* (o) Quamuis vero constitutio, qua medici ægrotum, de confessione facienda sæpius frustra monitum & obstinatum, post tertium diem deferere iubentur, admodum dura videatur: illius tamen sanctionis verba tam clara sunt et aperta, vt nihil amplius, quam hoc dicere, reliquum sit, legem ita esse scriptam. Itaque recte quidem, me iudice, sed contra *legem & canonem* illi iudicare videntur, qui ægros, confiteri nolentes, a medicis nunquam derelinqui posse defendunt: in qua opinione sunt THOM. ACTIVS *de infirmitate cap. XLIII. n. 33.* et CASPAR A REIES in *elysio iucund. questionum campo quest. XIII. n. 4. 5.* & quos hic sequitur doctores. Licet itaque medicum, qui curationem cuiusdam dereliquit, vt ob id mortuus sit æger, culpæ reum esse velit IUSTINIANVS in *§. 6. instit. de lege aquilia*: nullius tamen culpæ argui amplius possunt medici, ex quo iubentibus pontificum constitutionibus ægrum, spirituales medicinam contemnentem, deferere tenentur. Sanior autem interpretatio suadere videtur, hæc de illo casu, vbi absque *vite periculo* medici ægrorum curationem derelinquere possunt, omnino esse intelligenda. Nam cum omnis explicatio ex *legis ratione* tanquam eius *anima* sit susci-

Vtrum medi-
ci ægrotum,
confiteri no-
lentem, dere-
linquere pos-
sint?

(o) Ne dicam talem modum conuertendi, & pœnitentiam agendi esse *hypocriticum*, seria *contritione* destitutum, quam voluntas spontanea & agnitione peccatorum languida, fide vero in salvatorem confirmata, vnice suscipit, fovet, non vero *caectio indirecta* parit, ei e diametro aduersa.

suscipienda; huius vero pontificii edicti ratio in eo consistat, ut per medicos simul *spirituali* ægrotantis *saluti* prospiciatur: illud ita interpretandum est, ut ægroti salus magis promoueat, quam in grauius discrimen vocetur. Hoc utique contingeret, si derelictus a medico æger, in maximum vitæ periculum incurrens, absque *ecclesiastica medicina* decederet. Ne ergo ex huiusmodi periculose ægrotantis derelictione *animæ & corporis* sanitas periclitetur: æger in graui periculo vitæ constitutus, quamuis ex quadam peruicacia confiteri nolit, vix a medico negligendus esse videtur. Imo hoc casu potius partes medici esse videntur, ægroti animum non quauis solum ratione flectere, verum etiam *ex officio* animæ medicos accersendos curare, quorum est, etiam vltro & non aduocatos ægris remedia salutis proponere. Ipsam, qua medici ad ægros vocati hos ad confitendum inducant rationem, eleganter explicuit CASP. A REIES *l. c. n. 8.* Cum itaque medicorum auctoritate ius canonicum ægros ad id, ut animæ medicos aduocent, adigere studeat: quare non aliis nisi probatæ fidei ac religionis medicis ad ægros accessus pateat, iudicatu est facillimum. *Infidelibus* enim medicis ad christianorum curationem vocatis & adhibitis, facile perspexerunt pontifices, fore, ut salutare INNOCENTII præceptum negligatur, & veræ animarum salutis immemores infirmi fiant. Qua ratione (p) ductus pontifex GREGORIUS IV. in bulla anno 1581. promulgata &

(p) Ex eadem ratione etiam *medici hæreseos suspecti* reprobantur in concilio Tolosano anno 1228. celebrato *cap. V.*, quod exhibet IVCAS D' ACHERY in *specileg. tom. I. p. 711.* Statuimus etiam, quod quicumque fuerint de hæreseis infamia vel suspitione notati, officio medici de cetero non utantur. & paulo post *cap. eod.* cauetur, ne hæreticus aut de hæresi suspectus ad infirmum possit habere accessum, cum ex accessu talium intellexerimus, nefanda & enormia pluries contigisse.

& bullarii magni tomo II. p. 448. inserta, (p*) non solum omnibus inhiuit & interdixit, ne *posthac Iudæos vel alios infideles ad christianorum ægrotantium & infirmorum curam vocent, seu admittant, aut vocari admittiue faciant, concedant, vel permittant;* sed & illis qui contra fecerint, grauissimam infligendam curauit pœnam, ægrotis quidem sacramentorum ecclesiasticorum vsu, & sic decedentibus ecclesiastica sepultura denegata. Ipsos denique Iudæos infidelesque medicos, qui christianorum curationem suscipere aulerint, *extra ordinem* puniendos constituit.

§. XIV.

Quæ omnia cum clare doceant, hanc medicis legem Pœnam esse scriptam, (q) vt *de coniungendis cum ægrorum curatione animæ* communicacionis medici, *medicis* sint solliciti: arctiori tamen adhuc obligationis vinculo, Innocentii pœna grauiori addita, constringendos medicos ius canonicum constituit. INNOCENTIVS III. enim c. 13. X. de pœnitent. & remiss. præceptum non obseruant. Si tes, incurrunt.

F

(p*) Hac bulla GREGORIUS III. constitutionem concilii Quinisexti in vsu reuocauit, qua fuerat sancitum, ne quis clericus vel laicus Iudæos in infirmitate sub excommunicationis vel suspensionis pœna ad se vocet, & ab illis medicinam accipiat, quæ sanctio apud HARDVINVM tom. III. p. 166. reperitur, ex qua c. 13. C. 28. qu. 1. in GRATIANI decretum est relatum.

(q) Quamuis inter protestantes medicis ista iuris canonici obligatio nulla lege imposita sit: eorum officio tamen conuenit, ægrotantis æternæ salutis piis monitis consulere, & vbi inprimis ex vi morbi vitæ periculum imminet, id familiaribus eius ac domesticis mature significare, vt hi de aduocandis animæ medicis curam suscipiant. Hanc spiritualis ægrorum salutis sollicitudinem ad medicos pertinere docet PHIL. IAC. SPENERVS in theologischen Bedencken tom. IV. c. VII. art. III. sect. XII. p. 384. Dabey einen Christlichen medico unverbotten, vielmehr ganz anständig ist, seinen patienten, die er Zuspruchs bedörftig befindet, auch Christlich zu zusprechen, damit sie sich zu Gott recht wenden, von dem aller Segen der Arzneyen kommen muß.

Si quis autem medicorum, inquit, huius nostrae constitutionis, postquam per praelatos locorum fuerit publicata, transgressor exstiterit: tamdiu ab ingressu ecclesiae arceatur, donec pro transgressione huiusmodi satisfecerit competenter. Qui ab ingressu ecclesiae arcentur, hoc ipso ab omni exclusi sacrorum usu ius communionis cum christianis amittunt, atque ita pro excommunicatis habentur. Hanc poenam probauit, & nouis accessionibus adauxit PIVS V. in supra (§. XIII.) laudata bulla: quod si qui medicorum praemissa non obseruauerint, ultra poenas in dicta constitutione (INNOCENTII III.) contentas, quas incurrere declaramus, perpetuo sint infames, & gradu medicinae, quo insigniti erant, omnino priuentur, & a collegio seu vniuersitate medicorum eiiciantur, & poena etiam pecuniaria arbitrio ordinariorum, ubi deliquerint, mulctentur. Medicis itaque, qui INNOCENTII decretum non obseruant, quae maxima iuris canonici esse solet, poena est statuta, cum excommunicatio pro malo malorum habeatur apud HARDVINVm tom. IX. p. 50. & praeter illam ecclesia, non habeat, ultra quid faciat. c. X. de iudiciis. Huius poenae rationes egregie explicantur in concilio Toletano P. IV. c. I. apud EVNDEM tom. X. p. 1815. Graue profecto, aiunt patres, & incomparabile damnum est, extra communionem sanctorum esse, Dei optimi maximi gratia, spiritali eiusdem protectione, Christi meritis, & demum ecclesiae suffragiis & sacramentorum usu priuari. Hec omnia facit excommunicatio, quae poenarum omnium grauissima, formidabilissimaque, ut christianis minime contemnenda, sed potius summo cum tremore pertimescenda. Quae poena medicis, quorum est quotidie inter homines versari, eo grauior & fere intolerabilior videtur, quod tanquam excommunicati extra omnem societatem civilem constituti, & iam in alio mundo ab omni hominum consuetudine ac commercio viuere, & artem sanandi deferere cogantur. Ita enim capitularia REG. FRANC. apud STEPH. BALVZIVM Lib. V. cap. LXII. & ut sciatis, qualis sit modus istius excommunicationis, in ecclesiam non debet intrare, nec cum ullo chri-

medicis ad-
modum no-
xiam.

christiano cibum vel potum sumere, nec eius munera quisquam accipere debet, vel osculum porrigere, nec in oratione se iungere, vel salutare. Vnde fit, vt excommunicati pro abiectissimis, instar pestis cuiusdam fugiendis, habeantur, & in publico omnium contemptu sint, ideoque summam infamiam contrahere dicantur; quam infamiae notam medicis, legem sibi ab INNOCENTIO III. scriptam negligentibus, PIVS V. inussit. Tandem quemadmodum excommunicati ab omnium munerum publicorum exercitio excluduntur, vt ex variis conciliis euictum dedit *ver. dn. PARENS in diff. de statu excommunicat. civili §. XXXV*: ita PIVS V. hanc medicis pœnam indixit, vt quo insigniti erant medicinae gradu, priuentur, & a collegio medicorum eiiciantur. Cum vero legis cuiusque sanctio pœnalis de eodem casu, quem ipsa legis constitutio indigitat, intelligenda fit; pontificio decreto autem caueatur, vt medici ægrotos, *quibuscunque morbis* net hæc obligarent, ad animæ medicos aduocandos inducant (*§. I.*): *ad omnes morbos perti-* *net hæc obli-* *gatio pœnal* *bium non est,* quin ad *omnes morbos*, in quibus medici illas admonitiones negligunt, *sanctio pœnalis* pertineat. Quamuis vero per morbos non quamlibet imbecillitatem & aduersam valetudinem, sed illam, ex qua sanitas grauius quodammodo affigitur, intelligendam esse putem; quod ipsius PIVS V. bulla innuit, quæ de medicis, ad *infirmos in lecto iacentes* vocatis, loquitur: caueendum tamen, ne sententiam illius constitutionis nimis iusto restringentes, medicos in *periculosiss* tantum *morbis* ista pœna teneri statuamus, in quo *ACTIVS de infirm. P. II. p. 217. n. 6.* lapsus esse videtur. (r) Quis enim morbus tam levis, quin præter spem & opinionem ingrauescere, & mortem inferre possit? Quis ægrotus adeo extra omne vitæ periculum positus est, quin leui casu in maximum discrimen incidere possit? Denique quo ma-

F 2

ior

(r) Quam sententiam cum FILLIVCIO & SVAREZIO etiam amplectitur FRANCISCVS PELLIZARIUS in *manual. regul. tr. V. c. 3. Sect. 1. 2. II.*

iuramento
obstringendi
sunt medici
de hac sanctio-
ne seruanda.

ior huic PII V. constitutioni auctoritas accederet, & illa absolute in vsum deduceretur: pontifex in §. 6. sanxit, vt *nullus posthac ubique locorum in medicina doctoretur, aut ei quomodolibet medendi facultas a quouis collegio & vniuersitate concedatur, nisi omnia in hac praesenti constitutione contenta medio eorum iuramento confirmarint.* Ipsa iurisiurandi, quod doctores promoti praestant formula, quam PAUL. ZACCHIAS in *quaest. medico legal.* l. VI. tit. I. qu. IV. n. 9. suppeditat, haec est. *Omnes qui ad manus meas deuenient, primum ad poenitentiae sacramentum suscipiendum hortabor: alias post tertiam diem, nisi confessi fuerint, non redibo.* Pergit autem PIVS V. & ad eo maius robur constitutioni praedictae adiiciendum, haec §. 7. addit, cauetque, *vt ordinarii iuramentum praedictum a medicis iam promotis seu licentiam medendi habentibus, omnibus iuris remediis exigant, neque aliquos ad medendum in ciuitatibus, & dioecesium praedictis admittant, nisi eis constiterit, eosdem iuramentum huiusmodi praestitisse, & contumaces, & iurare & iuramentum iam praestitum exhibere recusantes, gradu medicinae & omnibus priuilegiis eisdem medicis, tam coniunctim quam diuisim eis & eorum cuilibet concessis per quosuis etiam Romanos pontifices, priuent, & ab ingressu ecclesiae arceant, donec resipuerint.* Tantae curae PIVS V. fuit animae corporisque medicorum coniunctio, vt quacunque fieri ratione posset, illam in vsum & exactam obseruantiam deducere studuerit. (s) Cum vero medici seculares personae sint, eorumque studium causam secularem habeat: illud prorsus singulare esse videtur, quod pontifices illis leges praescribere, eorum officium determinare, eosque sanctionibus poenalibus constringere sibi sumserint. Verum enim vero innumeris aliis exemplis constat, quam variis sub coloribus ad seculares personas legislatoriam potestatem pontifices extenderint, & ex eo, quod sollicitam animae curam

Ex quo fundamento ius canonicum sibi iurisdictionem in medicos vindicet.

(s) Curandum praeterea erat, vt graui morbo afflicti inducerentur ad opera pietatis, vti vocantur, exercenda, per legata ad pias causas, quae rursus remedium animae esse creduntur.

curam agere dicantur, de omnibus, quæ ad hanc quacunque ratione pertinere videntur, per leges disponendi ius sibi adscripserint. Duplici enim gladio ecclesia instructa esse dicitur, altero *spirituali*, altero *seculari*. Illo quotidie utitur; hunc in subsidium stringit, ubi causa *pietatis* vel *evitandi peccati* subest, sub qua prætexta ratione potestatem ad *secularia* transfert. Similis est, prætextus, quo ius canonicum hoc loco utitur, spirituali ægrotantis salutem ante omnia consulendum præcipiens, medicosque obstrictos esse decernens, ut languidos de evitando peccato, in quod per contemptum salutaris confessionis & penitentiae medicinae incurrere dicuntur, sedulo adhortentur.

§. XV.

Quum itaque *animæ corporisque medicum* ad obtinendam spirituales atque naturalem languentis sanitatem coniungendum esse, statuatur ius canonicum: utriusque inter medicinam maxima quoque intercedere debet harmonia, nec a medicis quicquam, quod *animæ salutem* læderet, ad promouendam corporis incolumitatem est adhibendum. Prima igitur atque summa illorum a iure canonico data lex est; *darent medici operam, ne quid per naturalem medicinam spiritualis ægrotum salus incommodi capiat.* Hoc ipsum ab Innocentio III. cautum legitur in c. 13. X. de penit. & remiss. Ceterum cum *anima multo pretiosior sit corpore; sub interminatione anathematis prohibemus; ne quis medicorum pro corporali salute aliquid suadeat, quod in periculum animæ conuertatur.* Cum illud principium iuris canonici plane vniuersale sit, ut omne id, ex quo animæ periculum metuendum est, reprobetur atque damnetur, eoque nomine etiam pacta, transactiones, iuramenta pro nullis atque inualidis habeantur: quare medicamina cum animi sanitate pugnantia prohibita sint, ratio ex alto non est accersenda. Per *anathema* pontifex in cit. cap. nihil aliud, quam *excommunicationem grauissimam* indigitare voluit, cum qua olim, ex Iudæorum more, plures solennes execrationum & anathematis

Nulla medicina in periculum animæ vergens a medicis suadenda est.

Adreprobata
remedia per-
tinent (1) ar-
tes magicæ.

formulæ coniunctæ erant, ideoque ipsa excommunicatio gra-
vior sæpissime *anathema* dicebatur. INNOCENTII III. sanctio repe-
rita est in *concil. Narbonensi* a. 1695. habito *cap. XVI.*
in f. apud HARDVINVM *act. concil. tom. XI. p. 18.* Ne pro
terreno in homine deturpetur, quod ad imaginem Dei
effectum est, cum anima longe corpori præstet, pro qua-
cunque infirmitate corporis sananda sub interminatione diuini
iudicii inhibemus medicis, remedia ordinare, per quæ ad peccatum
mortale inuitari possit ægrotus. Inter damnata medicamenta ab
AVGVSTINO in *c. 6. C. 26. qu. 2.* (1) omnes *ligaturæ* referuntur
& remedia, quæ medicorum quoque disciplina condemnat, siue in
præcantationibus, siue in quibusdam rebus suspendendis atque
ligandis, vel etiam saltandis quodammodo, non ad tem-
perationem corporum, sed ad quasdam significationes aut occul-
tas aut etiam manifestas, quæ eminentiori nomine physicam vocant,
ut quasi non superstitionem implicare, sed naturæ prodesse videan-
tur; id quod exemplo idem illustrat, si cui singultienti dica-
tur, ut dextera manu sinistrum pollicem teneat. Non sine ra-
tione AVGVSTINVS istam superstitionem in sequentibus detesta-
tur, cum vera religio illam abhorreat, & hac capti, non con-
temnendum animæ periculum incurrere possint. Huiusmo-
di per præstigia sanandi rationem & AVGVSTINI temporibus
& sequioribus seculis Christianis admodum familiarem fuisse,
tot patrum & episcoporum querelæ docent, totque concilia te-
stantur, quibus horum superstitionis plenorum usus penitus repro-
batus damnatur. Querelas eiusmodi etiam alibi mouet AVGV-
STINVS *serm. CCCVIII. de martyre Stephano oper. tom. V. p. 1274.*
edit Paris. Aliquando, inquit, ægrotat fidelis, & ibi est tenta-
tor. Promittitur illi pro salute illicitum sacrificium noxia &
sacrilega ligatura, nefanda incantatio, magica consecratio
promittitur. Idem *c. 15. C. 26. qu. 7.* admonet sacerdotes, ut do-
ceant fideles, magicas artes incantationesque infirmitatibus ho-
minum nihil remedii posse adferre. Vnde ELIGIVS *Neuio men-*

sis episcopus in tr. de rectitudine cathol. conuersat apud CAROLVM COINTIVM *annal. ecclesiast. Francorum tom. III. p. 484. n. 28.* Ante omnia, inquit, illud denuncio atque contestor, ut nullas paganorum sacrilegas consuetudines obseruetis, non coragos, non diuinos, non sortilegos, non præcantatores, nec pro ulla causa aut infirmitate eos consulere vel interrogare præsumatis, quia qui facit hoc malum statim perdit baptismi sacramentum. Quos ille per coragos intelligat, illustrat COINTIVS c. l. eosque ἀπὸ τῶν καρῶν i. e. a sopore graui, quem huius notæ homines suis præstigiis inducere solent, nominatos putat. Pergit vero ELIGIVS apud EVNDEM p. 488. Præterea quoties aliqua infirmitas superuenerit, non querantur præcantatores, non diuini, non sortilegi, non coragi, nec per fontes, aut arbores, vel biuios diabolica philacteria exerceantur. (II) Philacteria prohibita quoque sunt, quæ anti- 2) Philacteria quitus plerumque erant amuleta, ad arcendos pellendosque morbos adhibita, quæ docente IOSEPHO NERIO *analect. L. II. c. VIII. thesauro iur. Rom. tom. II. p. 402.* inserto, medicis olim admodum vsitata fuerant. Illorum origo antiquissima est, eaque nec Aegyptiis, nec Hebræis incognita fuerunt, ceu euictum dedit HERMANNVS WITSIVS in *Aegyptiacis L. I. c. IX.* Locus notatu dignus est, quem hic ex auctore Arabe ABENEPHIO adducit, quo philacteriorum indoles egregie illustratur. Erat, inquit, frequens in Aegypto vsus philacteriorum variis imaginibus insignitorum, queis se fortunatos esse futuros credebant; queis adiungebant statuunculas quasdam, quas auertentes nuncupabant, quas nunc collo, pectore, manibus portare, nunc in angulis domuum aliisque locis veluti custodes eorum collocare solebant. Hi superstitiosi medendi mores ex gente in gentem transmigrarunt, & apud Francos & Germanos in Christianismum irreperunt. Hinc in indiculo superstitionum & paganiarum capitulari, Carolomanni adiecto, apud BALVZIVM *capitul. Reg. Francor. p. 151.* referuntur philacteria & ligaturæ. Tametsi quidem in variis capitularibus presbyteris, ut de extirpandis, quæ ex paganorum ritu supere- rant, philacteriis solliciti essent, fuerit iniunctum: adeo diffi-

difficulter tamen opprimi potuerunt, vt & ipsi sacerdotes eadem superstitione essent infecti. Statutum itaque *capit. 72. Libr. VI.* apud EVNDEM *p. 934.*, vt *clerici vel laici phylacteria vel falsas scriptiones aut ligaturas, quæ imprudentes pro febribus aut aliis pestibus adiuuare putant, nullo modo ab illis vel a quoquam christiano fiant, quia magicæ artis insignia sunt.* Variis deinde conciliis phylacteriorum usus sub anathematis fulmine damnatus est, vt in concilio Laodicensi in *c. 4. C. 26. qu. 5.* & a GREGORIO II. in concilio Romano *cap. 12.* apud HARDVINVM *tom. III. p. 1465.*

§. XVI.

3) Oleum S.

Pari ratione (III) medici *oleo sancto* abuti censentur, qui illo ægrotos in vim medicamenti intingunt. *ACTIVS de infirmit. cap. XLIV. n. 27.* Reperiuntur tamen quædam per *oleum benedictum* factæ curationis documenta. Eius rei exemplum est apud TERTVLLIANVM *ad Scapul. c. 4.* vbi Proculus christianus Seuerum Imperatorem *oleo sancto* curasse dicitur. MARTINVM oleum ad diuersas morborum causas necessarium, sicut eius temporis consuetudo fuerat, benedixisse refert SVLPIC. SEVERVS *dial. III. cap. III.* Testis est GREGORIUS TVRONENSIS *lib. I. historiar. c. XLI.* Artemium quendam vi febrium correptum a S. Nepotitano visitatum & *sancto oleo* perunctum sanitati redditum esse. Quibus rebus demum effectum est, vt hoc per *oleum benedictum* peractæ medicinæ genus ubique fere inualuerit, & medici *sanctum oleum* a sacerdotibus expetierint diligenter & fere quotidie. Tandem hoc variis conciliis improbatum, & potissimum concilio Moguntino *can. XXVI.* cautum est, vt *presbyteri chrisma sub sigillo custodiant, & nulli sub pretextu medicinæ vel maleficii donare inde præsumant; quodsi fecerint, honore priuentur,* id quod in concil. *Arelatensi c. XVIII.* repetitum. Cum porro (IV) illa medicamina, quibus æger ad peccandum vel delinquendum inuitatur, cum religione & pietate pugnent, ideoque animæ detrimentum inferant: medici tale quid ad recuperandam ægrotantis sanitatem sua-

suadere, sub *anathematis* pœna prohibentur. Quamvis enim omnibus modis valetudinis ratio habenda, & pro vitæ conseruatione laborandum sit: eiusmodi tamen remediis, quæ diuina præcepta lædunt, nullo vnquam tempore vtendum; cum non horum solum virtus, & in sanandis ægris efficacia plerumque dubia sit ac incerta, sed & alia remedia, quorum naturali vi idem efficitur, vix ac ne vix quidem deesse soleant. Reprobatorum 4) *Scortatio* remedium censu merito *scortatio* habetur ad alicuius morbi curationem & ad euitandum mortis periculum præscripta. Quæ cum prorsus illicita sit: medicus non solum peccat, si illam aperta fronte suadet, verum etiam si hanc ad sanitatem aliquid conferre, quacunque ratione affirmat. vid. PAUL. ZACCHIAS *quæst. medico legal. l. VI. tit. I. quæst. V.* Si vero apud quosdam ægrotos hoc remedium præ ceteris reprobandum est: profecto clericos esse puto, quibus cum in genere omni omnino concubitu interdicator, illos eo magis hoc loco ab illo abhorrire oportet. Laudi igitur episcopo Eboracensi ducitur ab ANT. DADINO ALTESERRA *ad decretal. Innocent. III. c. 13. X. de penit.*, quod vitæ salutem contemserit, proponentibus medicis, quod non conualesceret, nisi per coitum. (V) Tandem cum medicorum præcepta, vti iam dictum, ægrotos ad peccandum prouocare non debeant: nullum medicus 5) *Abortus* remedium ad conseruandam mulieris prægnantis vitam atque sanitatem proponat oportet, quod *abortum* vlla ratione procurare possit. (s*) Vtrum mulier per eiusmodi medicinam suasu medici fœtum velut vitæ eius inuasorem licite expellere queat, erudite disputatio. PONTAS in *dictionario casuum conscient. v. ab-*

G

ortus

(s*) Ne medici eiusmodi partui aduersa medicamina mulieribus ad-mouerent, iam olim iureiurando obstricti sunt; id quod docet formula iurisiurandi apud HIPPOCRATEM p. 1. ὁμοίως δὲ καὶ γυναικὶ πρὸς τὸν φθόρον δάσω. Neque simili ratione mulieri pessum subdititium ad fœtum corrumpendum exhibebo.

ortus, casu II. Multos auctores hoc loco distinguere docet, vtrum partus *animatus* sit *nec ne*? Si enim foetus *nondum animatus* est, mulierem eiusmodi medicinam salua conscientia adhibere posse, alii censent: quod tamen alii negant, vbi partus est animatus. Ipse vero reiecta hac distinctione, quam & reiiciendam & exterminandam esse, iam olim docuit vener. dn. PARENS *diff. de cade infantum in utero*, nullo plane tempore eiusmodi remedio vtendum esse, recte decidit. Nulla enim profecto remedia minus fecura sunt quam *abortiua*, quibus ipsa mater in vitae discrimen plerumque incurrit, ita vt abortus vix procurari possit, quin & foetui iuxta atque matri vis inferatur. Accedit, quod variis conciliis prohibitum sit, foetus conceptos ab ignorantia medicamenta dare, quorsum pertinet constitutio *concilii Quinisexti can. 91.* apud HARDVINVM *tom. III. p. 1694.* *Eas (personas) quae dant abortionem facientia medicamenta, & quae foetus necantia venena accipiunt, homicidae pœnis subiicimus*; id quod repetitum *concilio Herdienti c. 2.* apud EVNDEM *tom. II. p. 1064.* Omnium vero clarissime ex *bullâ SIXTI V. anno 1558. publicata, & tom. II. BULLARII MAGNI p. 648.* inserta elucet, eiusmodi medicorum consilia atro calculo notari. Pontifex enim primo in genere illius criminis atrocitatem ostendit, & *Quis non detestetur, inquit, tam execrandum facinus, per quod nedium corporum, sed quod grauius est, etiam animarum certa iactura sequitur?* Cum vero medici remedium in fraudem animæ vergens ægris præscribere ab INNOCENTIO III. in *c. 13. de pœnit.* vetentur: illis quoque remedia, abortum promouentia, dare prohibitum esse, facile liquet. Deinde pontifex clarius §. 7. ita decernit: *omnes, qui vel quæ veluti principales, vel vt sociæ consociæque ad tale facinus committendum opem, consilium, fauorem, potionem, vel alia cuiuscunque generis medicamenta scienter dederint, ac etiam scribendo litteras priuatas, vel apochas, vel alias verbis aut signis inuenerint, aut consuluerint, ultra supra dictas pœnas, ipso facto, ex nunc prout ex tunc excommunicamus, & prout excommunicatis declaramus.* Idem GRE-

quæ variis
conciliis re-
probatur.

GORIVS XIV. a. 1591. per bullam, quæ in BVLLARIO M. *tomo eod. pag. 709.* habetur, confirmavit, eosque, qui vel auxilium vel consilium ad fœtus expellendos dederint, pœnis ordinariis subiecit, vt ideo dubii nihil superfit, quin eiusmodi medicorum consilia penitus pro reprobatis sint habenda.

§. XVII.

Quamuis itaque nullum remedium, ex quo animæ salus in discrimen vocatur, ægrotis sit adhibendum, & ecclesiasticæ medicinæ naturalis aduersari haud debeat: contingit tamen quandoque, vt medica consilia non possint non quodammodo & apparenter cum ecclesiæ præceptis pugnare. — Etsi enim *ieiunium* pro peccatorum remedio indictum ab ecclesia atque statutum sit: medici tamen, vbi sanitatis ratio id postulat, annuentibus ipsis canonibus, aliquid contra illud statuere possunt. In quibus morbis id ab illis fieri possit, & quam prouide & caute in eiusmodi consiliis dandis procedere debeant; medicorum officium instruit P. ZACCHIAS *Lib. V. tit. V. qu. V.* Agnoscit AMBROSIVS c. 21. *de consecrat. D. 5.* medicinæ præcepta a ieiunio reuocare, quod nec ex *iuris canonici* mente improbandum esse videtur, cum ægrotus non religionis contemptu, sed *necessitate* urgente ab *ieiuniorum* obseruantia excludatur. TIMOTHEVS igitur *Alexandrinus episcopus* interrogatus, vtrum ægrotus ieiunii legem seruare teneatur, in *responsis canonum* apud HARDVINVM *tom. I. p. 1194.* *Excogitatum est*, inquit, *ieiunium*, vt *corpus humile reddatur.* Si ergo corpus in humilitate & imbecillitate versatur, debet cibi & potus, quantum potest, esse pariceps. Cum ergo ipsi ægroti ieiunia frangentes haud redarguantur: multo minus medicis tale quid suadentibus improbandum esse puto. Quid quod si ægrotus se vel maxime voto, cuius sanctissima esse solet obligatio, ad ieiunium obstrinxerit: non prohibentur tamen medici, vbi ratio valetudinis id postulat, aliquid eiusmodi ieiunio aduersum præcipere, cum & ipse ægrotus illud negligens voti reus

Vtrum medici
aliquid contra
ieiunium sta-
tuere possint?

non habeatur. *c. 4. X. de reg. iur.* Fuerunt quidem, qui singularem aucupantes sanctitatis pietatisque speciem, valetudinem debilitatam spernentes nefas iudicarunt, sanitatis ergo ieiunium negligere. Laudi illud tribuitur *reginae Scotiae MARGARETHAE in actis sanctor. d. 10. Ian. tom. I. p. 332.* quod per nimiam abstinenciam grauissimæ infirmitatis incurreret molestiam. Verum enim vero qui ex eiusmodi inani zelo a ratione sana alieno ieiunant, ubi ex ieiunio morbus aut mors facile contingere potest, hos magis peccare quam mereri, vel potius *pie agere recte* censuit *ACTIVS. c. l. cap. XLIII. n. 25.*

§. XVIII.

Vtrum mor-
tem agris an-
nunciare me-
dici debeant.

Cum medici ægrotos ad confitendum inducere ac persuadere obligati sint; persuasio autem in representatione plurium motiuorum consistat, quibus aliquis ad agendum determinatur: sequitur, ut & medici ægroto omnia ista *motiua*, quibus voluntatem eius ad confessionarios aduocandos flectere possint, proponere teneantur, adeoque quia nulla re facilius, quam imminente vitæ periculo ad æternæ salutis cogitationes adduci solent ægrotantes, hoc inprimis *motiuo* medicus uti, & si ægrotus in vitæ discrimine versatur, hoc ei mature annunciare tenetur, ut hoc mortis nuncio percuttus, de animæ medicis mature aduocandis sollicitus sit. Quod si vero æger iam confessus; medici obligatio, vi cuius illum ad confitendum inducere debebat cessat, ideoque nec illum de imminente mortis periculo certiores reddere obstringitur ex sententia. *ACTII de infirm. c. XLV. n. 26. & seq. (t)* Quinimo eiusmodi mortis instantis annunciatio prouide & cum iudicio a medico facienda, ne nimia animi perturbatione morbus ingrauescat, & sic mortem accelerandi occasionem det. Hinc medicorum facile princeps HIPPOCRATES

præ-

(t) Quod sola hominis *conuersio* confessione & *pœnitentia* tali *auriculari* perficiatur, nec quicquam præterea desideretur: quod cum s. scriptura haud congruit.

prænotion. sect. I. ægrotos diligenter potius hortandos esse cense-
ret, ne animo nimium perturbentur. *Ipsi, inquit, ægri ob affe-*
ctionem doloris plenam animum despondentes, vitam cum morte
commutant. Quodsi vero ipse æger rationem sui que morbi sta-
tum a medico anxie sciscitetur, huius officio congruit, eundem
de omni periculo fideliter instruere.

§. XIX.

Sed hæc hæcenus de medicorum officio ipsis IN-
NOCENTII III. auctoritate imposto. Quoniam vero cum illis Quinam sint
animæ medi-
ci?
in ægrorum sanatione *animæ medicos* coniungendos esse, ius cano-
nicum præcipit: quinam hi sint, paucis dispiciendum. Quan-
doquidem *animæ medici* suscipiendæ *confessionis* ergo ad ægrotos
aduocantur: eiusmodi clerici accersendi sunt, quibus confessiones
audire, & pœnitentiæ sacramentum administrare fas est. Qua
potestate cum non omnes clerici, sed *presbyteri* gaudeant; ab
his inprimis animæ medicinam petere ægrotos oportet. Ne-
que tamen quemlibet sacerdotem acciere sufficit, sed cum PIVS
V. in supra laudata bulla *idoneo confessori*, tum INNOCENTIUS III. Parochi ad-
uocandi sunt
ad ægros.
in *cit. c. 13. proprio sacerdoti*, h. e. parochi, peccata confitenda
esse iubet. Confessionarii nimirum instar *iudicum* iuxta iu-
ris canonici principia habentur, qui de delictis, quorum confi-
tens se ipsum reum facit & agnoscit, iudicant, pro arbitrato
ac auctoritate pœnitentiam imponunt, & tandem *absolutionis* vel
condemnationis sententiam ferunt. Coram illis igitur quoddam
reuera *forum pœnitentiale* enatum est, in quo quandam *ordina-*
riæ iurisdictionis speciem in omnes illius, cui præfecti sunt pa-
rochiæ, fideles exercent. Vti vero omnis iurisdictionis intra ter-
minos præscriptos se continere debet, ita illa quoque sacerdo-
tum, quæ in *foro pœnitentialem* sese exserit, iurisdictionis parochiæ
limites non egreditur, & tantum in subditos h. e. *parochianos*,
exercetur. Cum itaque competens parochianorum iudex at-
que confessionarius *parochus* sit: parochiani ægrotantes pro-
prium parochum confessionis faciendæ ergo aduocare tenen-

Aegroti aliquem ex parochis confessionarium eligere possunt.

tur. Quod adeo verum est, ut absolutio, ab incompetente presbytero data, eadem ratione pro nulla declaretur, qua sententia, ab incompetente iudice lata nullius habetur momenti atque valoris. *c. 4. X. de pœnit. & remiss.* In cuius rei euentissimam probationem concilii Tridentini sanctionem, quæ *sess. XIV. cap. VII. de casuum reservat.* habetur, adferre liceat. Quoniam igitur natura & ratio iudicii illud exposcit, ut sententia in subditos tantum feratur: persuasum semper in ecclesia Dei fuit, & verissimum esse, synodus hæc confirmat, nullius momenti absolutionem eam esse debere, quam sacerdos in eum profert, in quem ordinariam aut subdelegatam non habeat iurisdictionem. Quamvis itaque languidi parochos ad se inuitare teneantur: ordinarium tamen confessionarium præcise adhibere, non obstringuntur, sed quendam ex parochis, in quo præ reliquis fiduciam collocant, eligendi illis libertas competit; cum omnes parochi ordinaria ligandi atque absolucendi facultate polleant. Quam eligendi mutandique confessionarii libertatem cum ipsi pontificii indulgeant; mirum sane videtur, quare plures in Protestantium ecclesiis hanc tantopere restringant, & parochianis haud permittant, apud alium ex eadem ecclesia, relicto priori, confiteri, aut alium in morbis ad se vocare. Ut enim taceam, ius illud *bannarium*, ex quo quilibet confessionarius confitentem sibi quasi vindicare cupit, ac impedire, quominus apud alium ex eadem parochia confessionem deponat, ratione sufficiente destitui: meminisse illos oportuisset, confessionem nullam ex principiis Augustanæ Confessionis *iudicis ecclesiastici competentiam* desiderare, sed soli Deo fieri, eamque solaminis petendi ergo sacerdoti declarari. Quo vero modo sincera animi pectorisque declaratio ei fieri poterit, in quo quis nullam ponit fiduciam? Quo quis animo ab eo solatium efflagitabit, cui non confidet? Quæ omnia minus inuicem congruere ac cohærere, cum plenius docet *vener. dn. PARENS in iure paroch. S. IV. c. 1. §. XII.* tum eleganseam in rem *ORIGINIS sententia est, in Ps. XXXVIII. homil. 2.* quam illo tempore

tempore tulit, quo confessionis summa erat libertas. Ait enim: *Tantummodo circumspice diligenter, cui debeas confiteri peccatum tuum: proba prius medicum, cui debeas causam languoris exponere, qui sciat infirmari cum infirmante, flere cum flente, qui condolendi & compatiendi nouerit disciplinam: ut ita demum, si quid ille dixerit, qui se prius & eruditum medicum ostenderit & misericordem, si quid consilii dederit, facias & sequaris.*

§. XX.

Ceterum ubi *parochi* copia haberi nequit, quemlibet etiam alium ecclesiæ ministrum ad ægrotos aduocari posse, non dubitandum: id quod etiam de iure canonico verum est, secundum cuius sententiam in mortis articulo confessores non attenduntur, sed quilibet *presbyter* quemlibet agonizantem, & pœnitentiæ signa edentem, etiam in casibus, papæ vel episcopis reseruatis, absolueret potest. *CLAVD. FLEVRI inst. iur. can. P. II. c. IV. §. III.* Illud ipsum illustre ac manifestum est, ex concilio *Nemausensi* apud *HARDVINVM tom. VII p. 913.* quo ita cautum: *nolumus tamen, quod prædicti fratres (h. e. minores & prædicatores) confessiones infirmorum audiant absque licentia proprii sacerdotis, nisi infirmis mortis periculum immineret.* Idem decernit concilium *Arelatense c. XXI.* apud *EVNDEM tom. cit. p. 732.* Et quoniam *parochialibus presbyteris curam animarum habentibus specialiter & præcipue cura commissæ est animarum: statuimus, inhibentes, quod infirmantium confessiones non nisi per ipsos parochiales presbyteros, si haberi potuerint; vel per alios presbyteros seculares & religiosos de ipsorum licentia audiantur, quam licentiam dari volumus & præcipimus ab iisdem liberaliter & libenter, cum fuerint requisiti.* Imo quamuis absoluendi a peccatis auctoritas ad sacerdotes solos pertineat: tamen cum pœnitentiæ sacramentum morientibus pœnitentibus, ut *baptismus* catægumenis, absolutæ necessitatis esse credatur; urgente mortis periculo a *diaconis* etiam eandem impertiri posse, ex iuris canonici principiis tuetur *IO. MORINVS de administr. pœnit. sacram. lib. VIII. c. XXIII.* Id quod eo magis hoc iure obtinet, cum

idem

idem olim quoque in lapsis pœnitentiam agentibus, & in mortis discrimine positis, obseruatum fuisse, moneat CYPRIANVS *ep. XIII. vt si presbyter non repertus fuerit, & urgere exitus cœperit, apud diaconum quoque exomologesi facere delicti sui possint, vt manu eis in pœnitentiam imposita veniant ad dominum cum pace.* (u) Vtrum vero omnibus clericis deficientibus, necessitate exigente, medicus seu alius *laicus* confessionarii spartam suscipere, & animæ medici officio defungi possit, dubium vel maxime videtur. Si ex protestantium quidem principiis quæstio soluenda; decisio in promptu est. Cum enim omnis confessionis vis in eo posita sit, vt Deo ex animo fiat, ceteroquin vero cuilibet christiano declarari queat: nihil impediet, quo minus medicus animæ medici munia suscipiat, vt a grotantem conuertat, eumque ad seriam pœnitentiam inducat. Quod si vero ad iuris canonici normam hanc causam æstimaueris; maior difficultas adesse videtur, cum sacerdoti regulariter sit confessio facienda, & *absolutionis impositio* pro actu sacerdotalis iurisdictionis habeatur, qua quilibet *laicus*, ideoque & *medicus* destituitur. Nihilominus tamen saluis hisce principiis necessitati parendum esse, & vbi presbyteri defunt, confessionem etiam laico cuilibet recte fieri posse, patres censuerunt. AVGVSTINVS in *c. I. D. 6. de pœnitent.* *Tanta vis, inquit, confessionis est, vt si deest sacerdos, confiteatur proximo. Sæpe enim contingit, quod pœnitens non potest confiteri coram sacerdote, quem desideranti nec locus nec tempus offert: & si ille, cui confitebitur, potestatem soluendi non habet, fit tamen dignus venia, desiderio sacerdotis, qui socio confitetur turpitudinem criminis.* In eandem sententiam pedibus abijt GRATIANVS in

c. II.

tam laicus
quam ipse, me-
dicus.

quod ex iure
canonico ex-
plicatur.

- (u) Torfit hic locus ingenia interpretum, recentioribus principiis imbutorum, adeo vt varias huius sententiæ interpretationes excogitauerint. Præ ceteris in hoc argumento vires ingenii exercuit autor *de la vie de S. Cyprien* anno 1717. Parisiis editus, cui tractatui adiecit dissertationem *sur l'absolution des diacres.* Conf. NATALIS ALEXANDR. *historia eccl. ad sec. III. diff. IV.*

c. II. C. 26, qu. 6. qui, morituris, inquit, succurritur etiam a laicis, si presbyteri defunt. Cur ergo beneficio reconciliationis per presbyterum ei subueniri non poterit, si contigerit episcopum deesse? si secundum Augustinum, qui agens in extremis, confitetur socio turpitudinem criminis, sit dignus venia ex desiderio sacerdotis, cur similiter non sit dignus reconciliatione ex desiderio episcopi, qui sacerdoti non negat maculam sui reatus? Necessitatis casum supponit AVGVSTINVS, vbi quis forte in vitæ periculo constitutus sacerdotis copiam non habuerat, quo casu DEVM cor respicere, ait, dum ex necessitate prohibetur ad sacerdotes pervenire. Vm decisionis in ipsa confessionis, ex animo factæ, virtute collocat, quod & confirmat THEODORVS Cantuariensis episcopus cap. XXXV. & CVI. apud HARDVINVM tom. III. p. 1774. qui confessio, inquit, Deo soli, si necesse est, agi licet: cui sententiæ calculum adponit pontifex GREGORIUS III. apud EVNDEM cit. l. p. 1876. aitque: Confessionem suam unicuique soli DEO, si necesse est, licet facere. Quamvis itaque confessio DEO facta sufficere videatur: canonum tamen interpretes suadent, vt, vbi alius christianus adest, illa coram hoc proponatur, cum confessionem carnis & singulorum peccatorum manifestationem ad remissionem consequendam desiderent. vid. ARNOLD. CORVINIUS can. tit. de penit. & remiss. §. 19. Licet igitur cuilibet laico, id eoque & medico, agonizantis confessionem exaudire fas sit: nemo tamen nisi sacerdos absolventi potestate instructus est, cum hæc pro actu pastoralis habeatur atque iudiciali, ex iure ligandi & soluendi pendente, quod per presbyteratus demum ordinationem confertur. Hoc luculenter declarat concilium Trident. sess. XIV. de absolut. cap. 6. Absolutio sacerdotis non est solum nudum ministerium, vel annunciandi euangelium, vel declarandi remissa esse peccata, sed ad instar actus iudicialis, quo ab ipso veluti a iudice sententia pronuntiatur. Confessio igitur laico facta ad hunc effectum suscipitur, vt absolutionem a DEO confitens

immediate adipiscatur, quod & AVGVSTINVS *cit. cap.* non obscure innuit, vbi ait: *etsi ille, cui confitebitur, potestatem soluendi non habeat; sit tamen dignus venia ex desiderio sacerdotis, qui socio confitetur turpitudinem criminis.* Quæ omnia si haud præoccupato animo ponderamus, quid opus est hominis vel laici vel clerici absolutione, cum Deus solus non homini homo peccata remittere, eumque absolvere possit? Ingenua sane atque notatu dignissima est LEONIS X. confessio apud HARDVINVM *tom. IX. p. 1893. in bulla contra errores Martini Lutheri inscripta;* qui in sacramento penitentiae, inquit, ac remissione culpæ non plus facit papa aut episcopus, quam infirmus sacerdos? Imo vbi non est sacerdos, æque tantum quilibet christianus, etiamsi mulier aut puer esset.

§. XXI.

Medicorum
animæ effici-
um in confes-
sionibus audi-
endis positum
est.

Quum itaque confessionarii medici animæ partes tueantur, medicus vero adhibere medicinam nequeat, nisi vulnera cognoscat, & æger corporis dolores & afflictiones ipsi denunciet: confessionarii quoque nullam animæ adferre medicinam poterunt, nisi cognitis perspectisque, quos languidus ipsi aperta fronte detegere debet, morbis ac angoribus. Confessionarii itaque officii pars summa in confessionibus, quibus ex *iuris canonici* sententia omnes animi languores omniaque peccata sigillatim manifestanda sunt, audiendis est occupata. Hæc confessionariorum munia ita instruxit & exornauit noui iuris conditor INNOCENTIUS III. in *c. 12. X. de pœnit. & remiss.*, singulare singulis parochis iudicium pœnitentiale concedens, coram quo singuli fideles omnia peccata *semel in anno* fideliter confiteantur, nisi excommunicationis pœnam incurrere velint. Ante INNOCENTII III. tempora dura hæc & coacta confessionis lex incognita fuit, præterquam quod, qui ex ecclesia eiekti erant, non prius, quam exomologesi delictorum publice coram ecclesia facta, reciperentur; cum nihil tam naturale esset, nihilque ratio-

ni conuenientius, quam illum, qui ecclesiam læserat atque offenderat, si in gratiam cum illa redire vellet, iniuriam ecclesiæ illatam publice agnoscere; ceu ex confederata christianorum disciplina probauit VENER. DN PARENS *diff. III. ad Plin. & Tertull. §. XXIX. & seq.* Ceterum prioribus mille seculis quædam confessionis adhuc erat libertas; quamuis eius vtilitatem summopere laudauerint patres, suadentes, vt peccata *occulta* episcopo confiterentur, & sponte pœnitentiam fubeunt, *pœnitentium locum* in ecclesia occuparent, ceu PHILIPPI Imperatoris exemplo docet (x) EVSEBIUS *hist. eccles. lib VI. c. 34.* Conf. BARONIVS *ann. eccl. tom I. ad a. 56. n. XXI.* Interim confessionem sacerdotibus faciendam tantum suadebant, non absolute imperabant. CYPRIANVS in *libro de lapsis, confiteantur singuli quæso delictum suum*, inquit, *dum adhuc, qui delinquit in seculo est, dum admitti confessio eius potest, dum satisfactio & remissio facta per sacerdotes apud dominum grata est.* Confessionem vero ideo inprimis *utilem* esse docebant, vt salutaria a sacerdotibus consilia ac solamina petere, & pœnitentiæ rationem exquirere possent, quamuis eam non absolute necessariam habuerint, ceu discimus ex *concilio Cabilonensi a. 813. celebrato can. XXXIII.* apud HARDVINVM *tom. IV. p. 1037.* *Quidam Deo solummodo confiteri debere dicunt peccata; quidam vero sacerdotibus confitenda esse percensent, quod utrumque non sine magno fructu intra sanctam sit ecclesiam. Confessio itaque, quæ Deo fit, purgat peccata; ea vero, quæ sacerdoti fit, docet, qualiter peccata ipsa purgentur.* Namque Deus

H 2

salutis

(x) Contra fidem historicam tamen, cum nequidem euictum sit, hunc imperatorem sacris christianorum addictum fuisse. Conf. ANT. PAGI in *critica ad BARONII annal. tom. I. ad an. 244. n. IV. & seqq. & ad a. 247. n. VI. & seqq.* SAM. BASNAG. *annal. eccles. tom. II. ad a. 244. n. VII. VIII.*

salutis & sanitatis auctor & largitor plerumque hanc praebe-
 potentiae inuisibili administratione, plerumque medicorum operatio-
 ne. Eorum itaque, qui solo Deo confitendum esse censent,
 sententia in *cit. concilio* absque censura prolata, magnae utilitatis
 esse laudatur: quamvis *pruata confessio* magis commendetur.
 Olim eiusmodi confessiones episcopo inprimis fieri solebant:
 confessionum usu crescente episcopi hanc sollicitudinis partem
presbytero cuidam *pœnitentiaro*, qui vniuersae ecclesiae praeerat,
 demandarunt, vt docet INNOCENT. CIRONIVS in *paratitl. ad L. V.*
decret. tit. de pœnit. & remiss. p. 460. In hoc ceteros episco-
 pos praeiuisse videntur pontifices Romani, quibus longe ante
 INNOCENTIVM III. sui *pœnitentarii* fuerant. Inde LVDOV. THO-
 MASSINVS de *vetere & noua ecclesiae disciplina p. I. lib. II. cap. X.*
Non discrepat, inquit, a verisimilitudine, decretum de pœnitenti-
ariis ubique terrarum statuendis ad formam ecclesiae Romanae
conditum temperatumque fuisse. Cautum enim erat in *concilio*
Lateranensi IV. in cathedralibus ecclesiis viros idoneos ordinari,
 quos episcopi possint coadiutores & cooperatores habere, non
 solum in *prædicationis* officio, verum etiam in *audiendis confes-*
tionibus & pœnitentiis iniungendis. Tandem his rebus effectum
 est, vt confessionum audiendarum prouincia *parochis* fuerit de-
 mandata, & absoluta necessitas *parochianis* imposita, peccata quæ-
 vis confitendi; episcopis grauium tantummodo atque atrocium
 delictorum confessionem sibi reseruantibus. Verum hi *spiri-*
tuales iudices, vt eos compellat IO. PONTAS in *dictionar. cas. conf.*
voce confessarius in proem., simul quæ prudentis animæ medi-
 ci sunt, accurata diligentia obseruare debent. Vnde INNOCENTIVS
 III. in *cit. c. 12. de pœnit.* *Sacerdos autem sit, inquit, discretus*
& cautus, vt more PERITI MEDICI superinfundat vinum &
oleum vulneribus sauciati, diligenter inquirens & peccatoris cir-
cumstantias & peccati: quibus prudenter intelligat, quale debeat
& præbere consilium, & cuiusmodi remedium adhibere, diuersis
 expe-

confessionarii
sunt instar
spiritualium
iudicum.

Prudentes a-
nimæ medici
esse debent.

*experimentis utendo ad saluandum aegrotum. Discretus & cautus sacerdos esse debet, ut consideratis perspectisque omnibus peccatorum circumstantiis, ipsa a confitente manifestandis, remedia pœnitentium morbis maxime conuenientia eligat, & quos illos ratione tutius sanet, sollicite dispiciat, præcauens, ne nimis austeriori vel iusto leuiori pœnitentiæ medicina malum augeatur. Princeps enim confessionariorum, quam animæ morbis adhibent, medicina in pœnitentia imponenda consistit, id quod c. 77. D. I. de pœnit. plane & aperte declarat: *Medicamentum fortius, quod maxime operatur in pœnitentia, hoc est. Sicut in præceptis medicinae medicamentum multas quidam herbas accipit, unam autem dominantissimam; sic & in pœnitentia dominantior ista herba & potentior est, & uniuersum ipsa efficit.* Medicinæ autem uniuersalis loco ideo pœnitentiam habendam esse censent, quoniam *satisfactio*, qua peccata expiantur, ac a Deo remittuntur, per illam ex iuris canonici sententia DEO fieri dicitur, docente IO. MORINO *de ministr. pœnit. sacram. LIII. c. XII.* Quæ medicorum animæ munia succincte ac neruose descripta legimus in *legibus ecclesiasticis* EDGARI regis Anglorum an. 907. latis & ab HARDVINO tom. VI. p. I. p. 665. editis, quibus ita cautum: *Hoc illi serio cogitandum est, qui hominum animabus medicus constituitur, ut eorum nouerit actiones, eas scilicet recte ut discriminet, rectamque teneat in censura singulis imponenda rationem.* Paucis interiectis ita porro eius officium instruitur. *Interroga ipsum de sui ipsius moribus, extorque scelera, & quæ sint, propone omnia: sed hæc tecum semper recognoscens, ut uno eodemque modo nunquam indicabis diuites & pauperes, liberos & seruos, seniores & iuuenes, firmos & infirmos, humiles & superbos, fortes & debiles, ordinatos & seculares.* Iudex prudens prudenter distinguit de facto, quod uidelicet, quomodo, ubi, & quando sit perpetratum. Et quamuis nullo loco seu tempore licitum sit peccatum, festis tamen diebus, & ieiunii temporibus, festiuisque lo-*

Eorum medicina primario in pœnitentia consistit.

Absque pœnitentiae impositione aegrotos absolueri debent.

cis cautius quisque ab hoc tenetur abstinere. Quanto enim quis potentior est, & maioris dignitatis, tanto grauius pro peccatis coram Deo & hominibus corrigendus est. Forti enim atque debili non imponendum onus simile, nec infirmo quidem, prout infirmo, sed prudenti inter istos moderamine distinguendum est. In sola itaque aegrotantis confessione acquiescere confessionarium oportet, quæ hoc loco ad absolutionem impertiendam sufficere creditur, vt tamen ager valetudinis integritati restitutus, quam tunc subire debuisset, satisfactionem accurate suscipiat. Qua de re THEODORVS, Cantuarensis Archiepiscopus in c. I. C. 26. qu. 7. ita decernit: *Ab infirmis in periculo mortis positus per presbyteros pura inquirenda est confessio peccatorum, non tamen illis imponenda quantitas pœnitentiae, sed innotescenda, & cum amicorum orationibus, & eleemosynarum studiis pondus pœnitentiae subleuandum, & si forte migrauerint, ne obligati a communione & consortio veniæ fiant alieni. A quo periculo, si diuinitus ereptus conualuerit, pœnitentiae modum a sacerdote sibi impositum diligenter obseruet: quæ omnia fere iisdem verbis cauta leguntur in synodo Claromontensi apud HARDVINVM tom. VII. p. 599. Idem quoque in synodo Exoniensi cap. V. est sancitum apud EVNDEM cit. l. p. 1079. vbi præmissa INNOCENTII III. de animæ corporisque medicis coniungendis constitutione ita cavetur: *Infirmi confiteri non tardent, sed pro sacerdote confestim mittant, & de die, propter diuersa pericula, quæ de nocte potuerint euenire. De quorum vero conualescentia desperatur, Dei tunc misericordiae commendentur, nec est iis præcisè pœnitentia iniungenda, sed notificanda potius, quæ debetur, vt si conualuerint, perficiant eam.* Eadem dispositio etiam probatur concilio Namnetensi can. 5. apud EVNDEM tom. VI. p. 458. Quod si vero ob corporis debilitatem ne confiteri quidem ager possit, absolutionem vero nutu atque signis efflagitet, eandem animæ medicus denegare non debet, vt præcipit c. 8. C. 26. qu. 6. & amplissime*

plissime ea de re disputat 10. MORINVS c. l. Lib. X. cap. V. (y)

§. XXIII.

(y) Ita vero contingit, ut lectum ægrotantis sæpe vtriusque notæ medicis veluti circumseptum sit, aduocatis pluribus *medicis*, pluribus *sacerdotibus* accersitis, adueniente *parcho*, aduenientibus *monachis* ac *religiosis*. Omnes quidem ac singuli de salute ægri mox decessuri contendere videri volunt, sed, ut contingit sæpe, suis singuli commodis prospiciunt, ægrotantis salutem negligunt. Quem apparatus lepide perstringit DESID. ERASMVS in colloquio, quod FVNVS inscribit, & de honorifica cuiusdam ægroti morte ita differit: *Vbi mors iam certa sui signa dederat, medicorum chorus, qui diu curarunt ægrotum, dissimulata vitæ desperatione, cæperunt mercedem poscere. - - Numerata pecunia, clam submonuerunt proximos, non procul abesse mortem: curarent ea, quæ pertinerent ad animæ salutem; nam de corporis incolumitate nihil esse spei. - - His actis subduxit sese statio medicorum. Mox, addit, accitus est Bernardinus vir, ut scis reuerendus, Franciscanorum custos, qui confessionem exciperet. Vix peracta est confessio, iam aderat in ædibus turbo quatuor ordinum quos vulgus appellat mendicantium, MA. Tot vultures ad unum cadauer? PH. Deinde vocatus est parochus, qui hominem inungeret, sacrumque symbolum corporis dominici porrigeret. MA. Religiose. PH. Verum ibi minimum absuit, quin inter parochum & monachos cruenta pugna fuerit orta. Addit porro: Parochus ubi cognouit ægrotum fuisse confessum Franciscano, negavit se vel vñtionis sacramentum, vel eucharistiam vel sepulturam impartiturum, ni suis auribus audisset ægroti confessionem: se parochum esse, sibi pro sua ouicula reddendam domino rationem: id non posse, si solus ignoraret arcana conscientie. Post grauissimas contentiones rixasque iniuriosas tandem ægrotus media de pace ineunda hæc proposuit: Sit pax inter vos, tibi parcho denuo confitebor. Deinde, pro strepitu nolarum pro cantionibus funeralibus, pro cenotaphio, pro sepultura numerabitur tibi pecunia prius, quam*

exeat

§. XXIII.

Ad mortem
damnati præ-
parandi per
medicos ani-
mæ.

Quas *medicorum* (y*) in aduocandis animæ medicis partes esse, hætenus euictum est: eadem quoque *iudicis* munia sunt, vt *animæ medicos* capitalis pœnæ reis accersendos curent, eosque ad seriam *peccatorum agnitionem & contritionem cordis*,
vel

exeat hanc DOMVM; neque committam, vt vlla in parte de me queri possis. MA. Num parochus recusauit tam æquam conditionem? PH. Non; tantum obmurmurauit nonnihil de confessione, quam ægroto remisit. Quid opus est, inquit, iisdem repetendis fatigare tum ægrotum, tum sacerdotem? Si in tempore mihi confessus fuisset, fortassis sanctius condidisset suum testamentum: nunc vos videritis. Hæc æquitas ægroti pessime habebat monachos, indigne ferentes, eam prædæ partem decidi parochæ. Ego tamen intercessi fecique, vt lis sopiretur. Parochus vixit ægrotum; dedit corpus domini, & numerata summa discessit. Denique nouam tempestatem ad ægroti lectum exortam recenset ERASMVS, ex quo etiam cruciferorum ordo ingratis ceterorum ordinum aduenit: quod dissidium tandem composuisse ægrotum dicit, singulis æqua pecuniæ portione diuisa. Hereditas vniuersam tandem pergit, sic erat diuisa, vt detractis de solido impensis funeralibus, uncia cederet uxori, altera uncia decideretur filio. His ipsis ERASMVS sui seculi mores depinxit, & abusum notauit, quanto pretio animæ medicina sapius ægrotis pensanda fuerit: quamuis animæ medicos ad ægros aduocandos esse, non absolute improba-uerit.

(y*) Singulari adhuc exemplo GREGORIUS IX. animæ & corporis medicos coniungendos esse decreuit, in diplomate, quo CAROLO regi Galliæ & IOANNÆ reginæ anno 1376. hanc indulserat gratiam, vt tempore quadragesimæ confessor eorum cum iis dispensare, & de concilio medicorum iis vsum ouium, lactis & butyri concedere posset. vid. diploma apud d. ACHERIUM tom. III. spicil. p. 738. nou. edit.

vel iuxta ius canonicum ad *confitendum* inducant. (z) Iudicium officium plenissime instruxit CAROLVS V. in *constitut. criminali art. CII.* Nach der Berurtheilung des armen zum Todt, soll man ihn anderwärts beichten lassen, auch zum wenigsten ein Priester oder zween an Ausführen oder Ausschleiffen bey ihm seyn, die ihn zu der Liebe Gottes, rechten Glauben, und Vertrauen zu Gott, und dem Verdienst Christi unsers Seligmachers, auch zu Bereuung seiner Sünde vermahnen. Quodnam vero temporis spatium inquisitis, facta supplicii significatione, ad pœnitentiam capiendam a iudice relinquendum sit, definiuit imperator in *art. LXXIX.* Dem, so man auf Bitt des Anklägers mit endlicher peinlicher Rechtfertigung straffen will, soll das zuvor drey Tage angesaget werden, damit er zu rechter Zeit seine Sünde bedencken, beklagen und beichten möge. Ex pra-xi sui temporis vel *tres dies* seriæ conuersioni eius, cui capitale supplicium imminet, sufficere arbitratus est Cæsar. Cum vero ex nostræ religionis principiis tam breue temporis spatium *seriæ pœnitentiæ* peragendæ, non semper sufficere, persuasum habeamus: iudicis arbitrato apud protestantes relictum est, vt, ponderatis circumstantiis, reo atque ecclesiæ ministro petente, executionem ad aliquot dies differre possit. Equidem

I

ex

(z) Olim in legibus Anglorum iudex, qui ad supplicium damnatis copiam sacerdotis denegauerat, CXX solidis puniebatur, quæ sanctio in *Leg ecclesiast. CANVTI REG. ANGL. a. 1032.* latis, & ab HARDVINO tom. VI. P. I. p. 904 & p. 912, editis, Lege XIII. reperitur: Si quis capitalis rei damnatus sua ingenue sacerdoti peccata confiteri cupierit, id ei conceditor: si quis autem denegarit, numerato regi centum & viginti solidos: aut saltem adiunctis sibi viris quinque se culpa liberato.

ex nouissimo potentissimi Borussiae Regis edicto *d. 9. Ian. h. a.* promulgato, omnes criminales processus paucorum hebdomadam spatio absoluendos esse, prudentissime cautum: tempori tamen, preparationi inquisiti ad mortem necessario, limites nulli sunt positi, adeoque etiam hoc eis non videtur ademtum esse. Denique iudex alia occasione quoque de *aduocandis animae & corporis medicis* sollicitus esse debet, in causa nimirum fortilegii, magiae, & denunciati pacti cum diabolo, vel alius superstitionis, cum ad haec homines plerumque ex superstitione & melancholia delabantur, cuius depellendae ergo *animae & corporis medici* adhibendi, quorum cura & sollicitudine id non raro efficitur, ut mens agra ex corporis male adfecti qualitatibus, ad phantasmata quaeuis suscipienda aptissima, per *medicamina naturalia & spiritualia* sanetur, & in statum suum pristinum restituatur. Hac rationabili methodo neglecta inquisitores, sola confessione siue extorta, siue spontanea & phantastica contenti, grauiter peccant, & nonnumquam malo hypochondriaco grauissime laborantes, ut confesos igni tradunt, ex ignorantia constitutionis corporis male adfectae. Momentosus est casus, quem dn. PARENS *tom. V. iuris eccles. protest.*, qui iam sub prelo sudat, *l. V. tit. XXI. de sortilegiis §. XXIII. p. 462.* adducit, ubi inquisitio contra hominem miserrimum carceri mancipatum instituta est, qui aliquoties per varias circumstantias confessus erat, se pactum cum diabolo iniisse, atque ea perpetrasse, quae omnem superabant fidem. Cum vero ex protocollo constaret, ipsum in examine saepius reiterato angoribus summis premi, atque conquestum esse, praesentem diabolum in hoc vel illo angulo se videre, atque ab eo euocari: per sententiam scabinatus (aa) huius urbis amplissimi

(aa) Ipsum sententiae tenorem & reliquam actorum seriem, adiecto responso

plissimi iudicatum fuit, hominem ante omnia *medicis corporis & anima* committendum, &, adhibita *medicina utraque*, de *mentis & corporis* qualitate solertem indagationem instituendam, nec in re tanti momenti fidem soli confessioni inquisiti adhibendam esse. Adhibiti ergo sunt prudentes medici ad examinandum eius corpus, qui mox ex somni & corporis qualitatibus animaduerterunt, eum grauissima hypochondria laborare, atque corpus tam male adfectum esse, ut parum a delirio abesset. Accedebat quædam *lesio capitis* ante plures annos, dum de cursu deciderat, accepta, quæ confusionem idearum adhuc magis promouebat. Quocirca aliquoties venæ sectio iterata, cum aliis salutaribus remediis adhibita, & theologis negotium datum, ut eius animæ, obrutescenti, succurrerent, &, conuersionis salutaribus adhibitis remediis, eam in veram reducerent viam. Hoc modo tandem, ad animum & pristinam sobrietatem rediit, atque agnouit, magno cum mentis gemitu, se per corruptissimam imaginationem non aliter credidisse, quam hæc plantasmata vera esse, quæ antea confessus erat: iam vero sibi hæc omnia, quasi in somnio apparuissent, videri nec unquam, quod de circumstantiis pacti initi allegauerat, factum fuisse, quæ

I 2

præ-

responsio facultatis medicæ, succincte & neruose recenset *Venerandus Academia nostræ senior, Illustr. FRIDERICVS HOFFMANNVS in medicina consultatoria tom. IV. Dec. II. cas. X. p. 149.* Das Inquisit den Predigern göttliches Wort zu untergeben, und ihm erfahrene medici zuzuordnen, welche seine Leibes- und Gemüths-constitution untersuchen, und davon pflichtmäßigen Bericht ertheilen solten, dieser aber mit denen Acten sodann einer medicinischen Facultät zuzusenden, und ihr Gutachten darüber einzuholen.

præterea etiam male cohærebant. Ipsam aëtorum seriem breviter etiam excell. dn. ALBERTI *in iurisprud. med. P. II. cons. 24. p. 206- seqq.* repetiit. Similis tenoris præiudicium contra *superstitionem grauiorem*, quam inquisitus falsus erat, adfert dn. PARENS *cit. l. inf. de sortil.* in quo *medicis animæ* inquisitum, quo ab hac labe in veram deduceretur viam, ante omnia committendum esse, decretum fuit.

T A N T V M.



U e b e r s i c h t.
der
diplomatischen Verhandlungen
des
wiener Congresses überhaupt,
und
insonderheit über wichtige Angelegenheiten
des teutschen Bundes.

Von
D. Johann Ludwig Klüber,
großherzoglich-badischem Staats- und Cabinetrath u.

Erste Abtheilung.

Frankfurt am Main
in der Andreäischen Buchhandlung
1 8 1 6.

